

2014 EKA. 19

(e)lan onartua  
Aprobado por Consejo de Administración.

Hernani,

2014

EKA.  
JUN.

20

Idazkariak,

**DEBAGOIENA MANKOMUNITATEKO HIRI-  
HONDAKINAK GARRAIATZEKO ETA  
ARRASATEKO AKEI TRANSFERENTZIA  
ESTAZIOAREN KUDEAKETA BURUTZEKO  
ZERBITZU-KONTRATUAK BETE BEHARKO  
DITUEN BALDINTZA ADMINISTRATIBO  
BEREZIEN PLEGUA**



2014 EKA. 19 (elan onartua)  
Aprobado por Consejo de Administración

Hernani,

2014 EKA. 20 JUN.



Idazkaririk,

AURKIBIDEA

SARRERA..... 1

I. KAPITULUA: XEDAPEN OROKORRAK ..... 1

1 KONTRATUAREN XEDEA ..... 1

2 KONTRATUAREN IZAERA ETA ARAUBIDE JURIDIKOA..... 2

3 ENTITATE KONTRATATZAILEA ETA KONTRATAZIO-ORGANOA..... 2

4 KONTRATUAREN EPEAK ..... 2

5 LIZITAZIOAREN OINARRIZKO AURREKONTUA ETA KONTRATUAREN PREZIOA..... 3

6 ORDAINTZEKO MODUA..... 3

7 PREZIOAK BERRIKUSTEA ..... 4

8 KONTRATUAREN DOKUMENTUAK ETA KONTRAESANAREN KLAUSULA OROKORRA ..... 4

9 KONTRATATZAILEAREN PROFILA..... 4

10 PUBLIZITATEA ..... 5

11 JURISDIKZIOA ..... 5

II. KAPITULUA: KONTRATUA ESLEITZEKO PROZEDURA ETA MODUA ..... 5

12 ESLEIPENAREN PROZEDURA ETA MODUA ..... 5

13 LIZITATZAILEEN ESKURA JARRITAKO DOKUMENTAZIOA ETA INFORMAZIOA .... 5

14 GAITASUN-BALDINTZAK ..... 5

15 KONTSULTAK ETA AZALPENAK FORMULATZEA..... 7

16 PROPOSAMENAK AURKEZTEA..... 7

16.1 Proposamenak aurkezteko lekua eta epea ..... 7

16.2 Dokumentazioak bete beharreko baldintzak ..... 8

16.3 Proposamenak aurkezteko modua..... 9

17 BEHIN-BEHINEKO BERMEAK ERATZEA ..... 16

18 AURKEZTUTAKO ESKAINTZAK BALORATZEKO IRIZPIDEAK ..... 17

19 PROPOSAMEN NEURRIGABEAK EDO OHIZ KANPOKOAK ..... 19


20	ESKAITZEN SAILKAPENA ETA KONTRATUAREN ESLEIPENA.....	19
20.1	. Eskaintzen sailkapena.....	19
20.2	. Esleipena.....	20
20.3	. Esleipena jakinaraztea.....	20
20.4	. Esleipena ebaztea.....	21
20.5	Dokumentazioa zaintzea.....	21
21	ESLEIPENDUNAK AURKEZTU BEHARREKO DOKUMENTUAK.....	21
22	BEHIN BETIKO BERMEA.....	22
23	KONTRATUA BURUTZEA ETA FORMALIZATZEA.....	23
23.1	Kontratua formalizatzea.....	23
23.2	Ez formalizatzearen ondorioak.....	23
IV. KAPITULUA: ALDERDIEN ESKUBIDEAK ETA BETEBEHARRAK.....		23
24	KONTRATISTAREN ESKUBIDEAK.....	23
24.1	Kontraprestazioa jasotzeko eskubidea.....	24
24.2	Kontratua lagatzea.....	24
24.3	Azpikontratatzea.....	24
25	KONTRATISTAREN BETEBEHARRAK.....	24
25.1	Beharrezko langileak.....	25
25.2	Langileak subrogatzea.....	26
25.3	Konfidentzialtasuna.....	26
26	KONTRATAZIO-ORGANOAREN ESKUBIDEAK (GHK-KO ADMINISTRAZIO-KONTSEILUA).....	27
26.1	Kontratua aldatzea.....	27
26.2	Aplikatzekoa den araudian aitortutako eskubideak.....	27
27	KONTRATAZIO-ORGANOAREN BETEBEHARRAK.....	27
IV. KAPITULUA: KONTRATUA GAUZATZEAREN GARAPENA ETA JARRAIPENA.....		28



28	ZERBITZUAK ESKAINTZEN HASTEA .....	28
28.1	Lanak hastea .....	28
29	LAN-PROGRAMA .....	28
30	LANEKO SEGURTASUN ETA OSASUN PLANA .....	28
31	LANEN ZUZENDARITZA.....	29
32	KONTRATISTAREN ORDEZKARIA.....	29
32.1	Izendapena.....	29
32.2	Zereginak .....	29
33	ZERBITZUAK GAUZATZEKO ERREGIMENA .....	30
34	KONTRATISTAREN BALIABIDE MATERIALAK ETA GIZA BALIABIDEAK.....	30
35	ARRISKUA ETA MENTURA ZERBITZUAK GAUZATZEAN .....	31
36	ZERBITZUAK GAUZATZEN DIREN BITARTEAN SORTZEN DIREN DESADOSTASUNAK KONPONTZEA .....	31
37	DOKUMENTAZIOA KONTROLATZEA ETA EMATEA.....	31
37.1	Dokumentazioa kontrolatzea.....	31
37.2	Dokumentazioa ematea .....	32
38	BERMEAREN EPEA.....	32
39	BERMEAREN EPEAREN AMAIERAKO ZIURTAGIRIA.....	32
40	KONTRATUAREN HARRERA.....	33
V. KAPITULUA: DIZIPLINA-ARAUBIDEA.....		34
41	KONTRATUAREN BEHARKIZUNAK EZ BETETZEAK SORTUTAKO ZIGORRAK ETA ISUN HERTSATZAILEAK .....	34
42	EZ BETETZEAK.....	34
42.1	EZ BETETZE LARRIAK .....	34
42.2	EZ BETETZE ARINAK.....	36
43	ZIGORRAK.....	36
43.1	ZIGORREN ARAUBIDEA .....	36



Idazkariak,



43.2	ZIGORREN MAILAKATZEA .....	37
43.3	ZIGORRAK ETA ISUN HERTSATZAILEAK EGUNERATZEA.....	37
VI. KAPITULUA: KONTRATUAREN AMAIERA .....		38
44	KONTRATUAREN AMAIERA .....	38
44.1	Kontratua betetzea .....	38
44.2	Kontratua suntsiaraztea .....	38
I. ERANSKINA. ARDURAPEKO ADIERAZPENAREN EREDUA.....		40
II. ERANSKINA. PROPOSAMENA GHK-KO SARRERA-ERREGISTROAN ENTREGATZEKO EREDUA.....		41
III. ERANSKINA. ENPRESA ATZERRITARREN ADIERAZPENA.....		42
IV. ERANSKINA. KOMUNIKAZIOETARAKO HELBIDE ELEKTRONIKOAK(K).....		43
V. ERANSKINA. PROPOSAMEN EKONOMIKOAREN EREDUA.....		44
VI. ERANSKINA. SUBROGAZIOARI ATXIKITAKO LANPOSTUEN ZERRENDA.....		45

Idazkaririk,  


## SARRERA

Baldintza Administratibo Berezien Plegu honen (aurrerantzean BABP) xedea hiri-hondakinen hondar frakzio edo errefusa Debagoiena Mankomunitateetik Sasietako zabortegiraino (Beasain) garraiatzeko zerbitzua kontratatzeko baldintza administratiboak ezartzea da; hondakinak Urteta eta Lapatxeko zabortegietara (biak Gipuzkoan kokaturik daude) eraman behar izatea gerta liteke zerbitzuaren beharrak direla eta.

Kontratuak GHKk Arrasaten duen Akei Transferentzia Estazioaren eta inausketak behin behineko izaeraz pilatzeko gunearen kudeaketa barne hartzen du.

Gipuzkoako Hondakinen Kontsortzioak, bere pertsona bakarreko sozietatearen bidez, **GIPUZKOAKO HONDAKINEN KUDEAKETA, S.A.U.** (aurrerantzean GHK), hiri-hondakin solidoak tratatzeko eta desagerrarazteko entitate eskuduna da, baita hondakin horiek dagokien norakora garraiatzeko ere, beraz, horren lizitazioa egingo du.

## I. KAPITULUA: XEDAPEN OROKORRAK

Baldintza-agiri honetan **DEBAGOIENA MANKOMUNITATEKO HONDAKINAK GARRAIATZEKO ETA ARRASATEKO AKEI TRANSFERENTZIA ESTAZIOAREN KUDEAKETA BURUTZEKO ZERBITZUA** kontratatzeko prozedurak bete beharko dituen baldintza administratibo bereziak jasotzen dira; hori, GHK merkataritza-sozietateak esleituko du, Gipuzkoako Hondakinen Kontsortzioaren kontura eta honek hala aginduta.

### **1 KONTRATUAREN XEDEA**

Kontratu honen xedea Debagoiena Mankomunitateko hiri-hondakinen handizkako garraio eta Arrasateko Akei Transferentzia Estazioaren kudeaketa zerbitzua, edo azpiegitura hori ordezkatzeko GHKk gauzatzen duen azpiegiturarena, kontratatzea da; hala nola, estazio horren mantentze osoa burutu beharko da, inausketak behin behineko izaeraz pilatzeko gunea, eta sarbideen kontrola eta hondakinen deskarga barne, bai hondakinen hobira egiten den deskarga, eta baita inausketa eta lorezaintzako hondakinen biltegira ere.

Horretarako, Akeiko transferentzia-estazioa du Arrasaten, hondakinak desagerrarazteko zentroraino garraiatzeko, Sasietako (Beasain) zabortegian kokaturik dagoena. Zerbitzuaren beharrak direla eta, gerta liteke hondakinak Urteta eta Lapatxeko zabortegietara (biak Gipuzkoan kokaturik daude) eraman behar izatea.



Gauzatu behar den zerbitzua Baldintza Teknikoen Agiriaren 2. klausulan deskribatzen dena da.

## 2 KONTRATUAREN IZAERA ETA ARAUBIDE JURIDIKOA

Kontratu honek izaera pribatua du, Sektore Publikoko Kontratuen Legearen Testu Bategina (aurrerantzean SPKLTB) onartzen duen azaroaren 14ko 3/2011 Errege Dekretu Legegilearen 20.1. artikulua araber, eta Baldintza Administratibo Berezien Agiri honetan (aurrerantzean BABA edo baldintza-agiria) eta bere eranskin guztietan, Baldintza Teknikoen Agirian eta kontratuaren gainerako dokumentu guztietan xedatutakoa beteko du 8. klausulan ezarritako moduan.

Prestatzeari, adjudikatzeari, ondorioei eta iraungitzeari dagokionez, adierazi den moduan, kontratua arautuko dute Klausula Ekonomiko Administratibo Plegu honek, Preskripzio Teknikoen Pleguak, GHKren Kontratazioko Barne Instrukzioek eta, horietan aurreikusten ez den gaietan, zuzenbide pribatuko arauak.

Gainera, SPKLTB eta Herri Administrazioen Kontratuen Legearen Erregelamendu Orokorra (aurrerantzean, HAKLEO) aplikatu beharko dira baldintza-agiri honek espreski testu arauemaille horietara igortzen duenean.

Kontratua, eta adostutakoa gauzatzean aplikagarriak diren gainerako edozein motako kontratu-dokumentuak ez ezagutzeak, edozein terminotan, ez du esleipenduna horiek betetzeko duen betebeharretik salbuetsiko.

## 3 ENTITATE KONTRATATZAILEA ETA KONTRATAZIO-ORGANOA

Entitate kontratatzailea GIPUZKOAKO HONDAKINEN KUDEAKETA, S.A.U. sozietatea da (aurrerantzean, GHK).

Kontratu honen kontratazio-organoa GHKren Administrazio-kontseilua da, eta honek, kasua balitz eta aplikatu beharreko zuzenbide pribatuaren arauen arabera, berriazko ahalmena eman ahal izango die jarduera jakin batzuek gauzatzeko egokitzat deritzen pertsoneri.

## 4 KONTRATUAREN EPEAK

Kontratua gauzatzeko epea 6 HILABETEKOA izango da, kontratua formalizatzen denetik hasita.

Gipuzkoako Hondakinen Kudeaketa, S.A.U.-k kontratuaren luzapen bakar bat adostu ahal izango du, gehienez beste sei hilabeteko iraupenekoa.



Luzapena automatikoki aplikatuko da sozietatearen aurka aurreabisurik ez badago kontratua amaitu baino bi hilabete lehenagoko epean.

## 5 LIZITAZIOAREN OINARRIZKO AURREKONTUA ETA KONTRATUAREN PREZIOA

Kontratu honen lizitazioaren oinarrizko aurrekontua **BERREHUN TA LAU MILA EUROKO (204.000€)** (BEZ gabe) zenbatekoan finkatu da, sei hilabete gehi beste sei hilabeteko luzapenari dagokiona.

Kontratu honen prezioa esleipendunaren eskaintza ekonomikoak jasotakoa izango da. Kasu guztietan, kontratuaren prezioak ezingo du gainditu lizitazioaren oinarrizko aurrekontua, BEZik gabe. Zenbateko hori gainditzen duten proposamenak ukatuak izango dira.

Lizitazioaren Prezio Tipoa 24€-koa (HOGEI TA LAU EURO) izango da, eredu-bidaia bakoitzean garraiatutako tona bakoitzeko. Kontratatzailearen eskaintza ekonomikoan zehaztutakoa izango da kontratu honen prezioa. Edonola ere, kontratuaren prezioak ezingo du Lizitazio Tipo Prezioa gainditu, BEZik gabe. Zenbateko hori gainditzen duten proposamenak ukatu egingo dira.

Kontratu hau kontratistaren arrisku eta menturara exekutatzekoa denez, kontratistak kobratzeko eskubidea izango duen prezioa, edozein kasutan, oroharreko prezio itxi bat izango da, kontratistak egin duen eskaintza ekonomikoan eta Plegu honetan adierazitako baldintzetan ezarritakoaren arabera.

Ulertuko da kontratuaren prezioaren barruan daudela aplikatu beharreko edozein motatako zerga, tasa eta kanonak, baita baldintza-agiri honetan eta kontratuaren gainerako dokumentuetan aurreikusitako betebeharrak betetzetik kontratistarentzat sortzen den bestelako gastu oro ere.

Lizitatzailleek, eskaintzen duten garraiatutako tona bakoitzeko prezioan, industria-gastu eta irabazien kontzeptu guztiak sartuko dituzte, jasanarazi beharreko BEZa izan ezik; hori partida bereizi gisa adieraziko da.

## 6 ORDAINTZEKO MODUA

Prezioa hileroko ordainduko da, garraiatutako tona kopuruaren arabera.

Hilabete bakoitzaren amaieran, eta hurrengo hilabetearen lehenengo 7 egun baliiodunen barruan, esleipendunak igorriko du aurreko hilabetean garraiatutako tonei dagokien faktura, eta zehaztutako gainontzeko dokumentazioa, zerbitzuari dagokiona,

GHKk eskatutako protokoloa betetzen duena. Kontuan hartu behar diren tonak hondakindegian sartzean baskulako tiketaren bidez justifikatutakoak izango dira; horiek fakturari erantsi beharko dizkio esleipendunak.

Ordainketa transferentzia bidez egingo da, GHKk, igorritako fakturarekin ados dagoela adierazi eta 60 egunera.

## 7 PREZIOAK BERRIKUSTEA

Kontratu hau kontratistaren arrisku eta menturara exekutatzekoa da eta ez da prezioen berrikuspenik egingo.

## 8 KONTRATUAREN DOKUMENTUAK ETA KONTRAESANAREN KLAUSULA OROKORRA

Kontratu izaera izango dute eta, beraz, alderdiek derrigorrez bete beharko dituzte ondoko dokumentuak eta dagozkien eranskinak:

1. Baldintza Administratibo Berezien Agiri hau.
2. Baldintza Tekniko Berezien Agiria, Baldintza Administratibo Berezien Agiriarekin kontraesanean ez dagoen guztian.
3. Kontratua formalizatzeko dokumentua eta horren ondoren sinatuko diren kontratua garatzeko dokumentuak.
4. Esleipendunak aurkeztutako eskaintza.

Esleipendunak dokumentu horiek sinatu beharko ditu horiekin ados dagoela adierazteko, kontratua formalizatzeko orduan.

Dokumentuen terminoetan kontraesanen bat badago, dokumentu horiek interpretatzeko kontuan hartuko da klausula honetan zein ordenatan zerrendatzen diren, eta lehentasuna izango du zerrendan aurretik agertzen denak.

## 9 KONTRATATZAILEAREN PROFILA

Gardentasuna eta kontratu-jarduerari buruzko informazioa publikoki eskuratzea ziurtatzeko xedearekin, eta SPKLTBak eskatutako kasuetan bestelako publizitate-bideak erabiltzea eragotzi gabe, lizitatzaileek GHKko kontratatzailearen profilerara sartu ahalko dute Interneteko atariaren bidez: <http://www.ghkinfo.net>.



## 10 PUBLIZITATEA

Lizitazio hau eta kontratuaren esleipena GHKko kontratatzailearen profilean argitaratuko dira.

## 11 JURISDIKZIOA

Jurisdikzio zibila izango da eskuduna kontratuaren prestaketa, esleipena, kontratuaren ondorioei, betetzeari eta amaitzeari buruz alderdien artean sortzen diren auziak ebazteko.

## II. KAPITULUA: KONTRATUA ESLEITZEKO PROZEDURA ETA MODUA

### 12 ESLEIPENAREN PROZEDURA ETA MODUA

Kontratu hau publikitadedun prozedura negoziatu bidez esleituko da eta modu arruntean izapidetuko da, Kontrataziorako Barne Jarraibideen eta SPKLTBko 169-178. artikuluko bitartean ezarritakoaren arabera.

### 13 LIZITATZAILEEN ESKURA JARRITAKO DOKUMENTAZIOA ETA INFORMAZIOA

Plegu Teknikoaren 8. Baldintzak jasotako dokumentazioaz gain, kontratazio-organoak lizitatzailleentzako eskura jarriko du prozedura honi dagokion dokumentazio guztia. Hori ondokoek osatuko dute:

- Baldintza Administratibo Berezien Agiria eta dagozkion eranskinak.
- Baldintza Tekniko Berezien Agiria, bere eranskin guztiekin.

Dokumentazio hori lizitatzailleentzako eskura egongo da GHKren bulegoetan, Hernaniko Ibaiondo industrialdean, 27. zk.ko 3. solairuan.

### 14 GAITASUN-BALDINTZAK

1. GHKrekin kontratua egin ahal izango dute, banaka nahiz taldeka,  jarduteko gaitasun osoa duten eta kontratatzekeo debekurik ez duten  pertsona natural edo juridiko espainiar nahiz atzerriarrek.

Ezingo dute lizitazioan parte hartu espezifikazio teknikoak edo kontratua prestatzeko dokumentuak lantzen parte hartu duten enpresek, parte-hartze horrek lehia mugatzea ekar badezake edo lizitazioan sartzen diren beste enpresen aldean pribilegiozko tratua badakarkie.



2. Enpresariak kontratuaren helburu den jarduera edo prestazioa gauzatzeko galdagarria den gaikuntza profesionala edo enpresa-gaikuntza izan beharko dute, halakorik bada.

Pertsona juridikoak kontratuaren esleipendun izateko, ezinbestekoa izango da kontratuaren prestazioak haien estatutuen edo fundazio-arauen arabera berezkoak dituzten xedeen, helburuaren edo esparruaren barruan egotea.

3. Nolanahi ere, GHKrekin kontratua egin ahal izango dute Europar Batasuneko estatuetakoen enpresa ez espainiarrek, baldin eta ezarrita dauden estatuko legeriaren arabera kasuan kasuko prestazioa gauzatzeko gaituta badaude.

Enpresa horiek ezarrita dauden estatuko legeriak kasuan kasuko zerbitzua egin ahal izateko baimen bereziren bat edo erakunde jakin bateko partaide izatea eskatzen duenean, baldintza hori betetzen dutela frogatu beharko dute.

Europar Batasunekoak ez diren estatuetakoen pertsona fisiko edo juridikoen jarduteko ahalmena frogatzeko, dagokion estatuan Espainiak duen diplomaziako misio iraunkorraren txostena aurkeztuko da. Txosten horren bitartez justifikatu beharko dute atzerriko enpresaren jatorriko estatuak funtsean modu berdintsuan onartzen duela Espainiako enpresek hango administrazioarekiko eta SPKLTBko 3. artikuluan adierazitakoen pareko sektore publikoko erakunde, organismo edo entitateekiko kontratazioetan parte hartzea.

4. GHKrekin kontratua egin ahal izango dute horretarako aldi baterako eratzen diren enpresariak. Aldi Baterako Enpresariak Elkarteetako kideek baldintza-agiri honetako 16. klausulan adierazitako kaudimen-baldintzak bete beharko dituzte, eta kide guztiak solidarioki kontratua betetzearen erantzule izango dira, irauten duen denbora guztian.

Ez da beharrezkoa izango aldi baterako enpresariak elkarteak eskritura publikoan formalizatzea kontratua esleitzen zaien arte, eta SPKLTBko 59. artikuluan aurreikusitakoa aplikatuko da. Dena den, enpresari horiek eskaintza aurkezten duten unetik aurrera, GHKren aurrean solidarioki behartuta geratzeko dira lizitazio honetatik eta kontratutik eratortzen diren betebeharrak betetzera kontratua amaitu arte, eta pertsona bat izendatu beharko dute, lizitazioan eta kontratuaren gauzatean zehar ordezkari edo ahalordedun gisa jardun dezan, kontratua amaitu arte sortzen diren eskubideak egikaritzeko eta betebeharrak betetzeko behar adinako ahalordearekin.

5. Lizitazioan parte hartzen duten enpresa guztiek baldintza-agiri honekin batera doan I. Eranskina bete eta aurkeztu beharko dute.

## 15 KONTSULTAK ETA AZALPENAK FORMULATZEA

Eskaintzak prestatzeko epean zehar, GHKk lizitatuzaileek idatziz aurkeztutako galderak eta azalpen-eskaerak artatuko ditu.

Kontsultak idatziz zuzendu beharko zaizkio GHKri lizitazioaren iragarkian agertzen den helbidera edo faxera. Lizitatuzaileek idatzian harremanetarako pertsona bat, helbidea, posta elektronikoa eta faxa adierazi beharko dituzte.

Erantzunak kontratatuzailearen profilean argitaratuko dira interesatu guztiek ikus ditzaten, eta banaka jakinaraziko zaizkie, posta edo fax bidez, idatziz kontsulta egin duten lizitatuzaileei.

## 16 PROPOSAMENAK AURKEZTEA

### 16.1 Proposamenak aurkezteko lekua eta epea

1. Proposamenak GHKren bulegoetan aurkeztuko dira, Hernaniko Ibaiondo industrialdeko 25. zk.ko 3. solairuan, **2014KO UZTAILAREN 4KO ordu bata (13:00) arte.**
2. Lizitazio hau, adierazi dugun bezala, kontratazio-organoaren kontratatuzailearen profilean iragarriko da, eta ondoko atari informatiko edo web orrialdetik eskuratu ahal izango da: <http://www.ghkinfo.com>. Leku berean egongo da baldintza administratiboen agiria, eta baldintza teknikoen agiria ere.
3. Dokumentazioa postaz bidaltzen denean, enpresariak justifikatu egin behar du posta bulegoan zer egun eta ordutan egin duen bidalketa, eta kontratazio-organoari egun berean jakinarazi beharko dio, telex, fax edo telegrama bidez, eskaintza bidali duela. **Bai dokumentua bidaltzea bai bidalketa egin dela iragartzea,** iragarkian adierazitako aurkezteko epea amaitzeko **eguna eta ordua igaro aurretik egin behar dira.**
  - Eskaintzaren aurkezpena posta elektronikoz ere iragarri ahal izango da, baina kasu horretan iragarkiaren bidalketa baliozkoa izateko jasota egon beharko du mezua bidali eta jaso dela, komunikazioen eduki osoa eta modu fede-emailean identifikatuta egon beharko dute bidaltzaileak eta hartzaileak. Halakoetan, kopia bat inprimatu eta erregistratu beharko da, eta hori espedienteari erantsiko zaio.
  - Bi baldintza horiek betetzen ez badira, proposamena ez da onartuko, GHKk iragarkian zehaztutako epea amaitzeko data eta ordua igaro ondoren jasotzen badu. Dena den, adierazitako datatik hamar (10) egun natural igarotzen badira dokumentazioa jaso gabe, dokumentazio hori ez da inolaz ere onartuko, HAKLEOko 80.4. artikulua ezartzen duen bezala.



4. Parte hartzeko eskaera kontratazio-organoak adierazitako bulegoetan aurkezten denean, kontratazio-organoak eskaera hori erregistratuko du eta zigilatutako kopia bat itzuliko dio lizitatuzaileari, aurkeztu izanaren frogagiri gisa. Kopia horretan lizitatuzailearen izena, kontratuaren xedearen izendapena eta proposamena aurkeztu den eguna eta ordua agertuko dira, **II. Eranskinen aurkeztutako ereduaren arabera.**

## 16.2 Dokumentazioak bete beharreko baldintzak

Lizitatuzaileek aurkezten duten dokumentazioak eskakizun eta baldintza hauek bete beharko ditu:

1. Proposamenak aurkezteak esan nahi du lizitatuzaileak inolako baldintzarik gabe onartzen dituela baldintza-agiri honetako eta kontratu izaera duten gainerako dokumentuetako klausulak, inolako salbuespenik gabe, eta bere ardurapean adierazten duela betetzen dituela sektore publikoarekin kontratua egiteko eskatzen diren baldintza guzti-guztiak. Beraz, eskaintzek emandako dokumentazioan eta eranskinetan aurreikusitako baldintza tekniko, ekonomiko, eragiketakoak edo bestelako guztiak beteko dituzte.

Lizitatuzaileek aurkeztutako dokumentuetako edozeinetan salbuespenen bat jartzen bada, edozein kasutan, salbuespenik ez dela jarri ulertuko da, eta kontratua kontratazio-organoak emandako dokumentazioan ezarritako moduan gauzatu beharko da, hori baita lizitazioaren oinarria.

2. Proposamenak Autonomia Erkidegoko bi hizkuntza ofizialetako edozeinetan aurkeztu ahal izango dira.
3. Informazio guztia paperean inprimatuta eta euskarri informatikoan (Word, Presto 8.8, Excel, mpp, pdf, dwg... fitxategietan) eman behar da, baldintza-agiri honetan adierazitako baldintzetan, halakorik bada. Bi euskarrietako informazioa bat ez badator, paperean inprimatuta aurkeztutako dokumentazioan ageri dena gailenduko da.

Eskaintzak makinaz idatzita edo beste modu batean mekanikoki edo informatikoki inprimatuta egongo dira, eta ez da onartuko eskuz idatzitako dokumenturik, ezta eskaintza baloratu ahal izateko baldintzak argi eta garbi ezagutzea eragozten duen hutsak, akatsak edo zuzenketak dituenik ere. Era berean, ez da onartuko HAKLEOko 84. artikuluan ezarritako kasuren batean dagoen proposamenik.

Zehazki, eskaintza ekonomikoa baldintza-agiri honekin batera ematen den dokumentu informatikoan aurkeztu beharko da, dokumentu horren formatua batere aldatu gabe.

4. Ez dira onartuko HAKLEOko 84. artikuluan ezarritako kasuetan dauden proposamenak, eta, beraz, atzera botako dira aztertu eta onartutako dokumentazioarekin bat ez datozen proposamenak, baldintza-agirietan ezarritako



eredua funtsean aldatzen dutenak, zenbatekoan akats nabarmena dutenak edo, lizitatuzaileak berak aitortuta, bideraezin egiten dituen akatsak edo funtsik ezak dituztenak.

5. Prozeduran aurkezten diren eskaintzak prestatzeko dokumentazioa lantzearen kostu osoa lizitatuzaileen kontura izango da, eta ezingo dute inolako konpentsazio ekonomikorik erreklamatu esleipendun suertatzen ez badira.
6. Eskatzen den dokumentazio guztia kopia arrunt edo konpultsatutako kopia gisa aurkeztuko da, ardurapeko adierazpenak izan ezik. GHKk jatorrizko dokumentazioa edo Administrazioak edo notarioak behar bezala konpultsatutako edo legeztatutako kopia aurkezteko eskatuko dio lehenengo sailkatuari, kopia arrunta aurkeztu den kasuetan.

### 16.3 Proposamenak aurkezteko modua.

Lizitazio honetan parte hartzeko, enpresa lizitatuzaileek GHKko bulegoetan aurkeztu beharko dituzte, baldintza-agiri honen 15.1. klausulan ezarritako epearen barruan, **gutun-azal itxi bat**, gero adieraziko den dokumentazioarekin, bertan adieraziz enpresaren izena, proposamena sinatzen duenaren izen-abizenak eta zein izaerarekin sinatzen duen, telefono eta fax zenbakiak, eta helbide elektronikoa, guztia argi irakurtzeko moduan. Gainera, gutun-azalean hau idatzi beharko da: **“Debagoiena Mankomunitateko Hondakinak garraiatzeko eta Arrasateko Akei Transferentzia Estazioaren dudeaketa burutzeko zerbitzu kontratuaren lizitazioa”**.

Gutun-azalaren edukia, orri bereizi batean zerrendatuta egon beharko dena, dokumentu hauek osatuko dute:

- a) **Enpresariaren jarduteko gaitasuna eta, behar denean, ordezkaritza, egiaztatzeko agiriak**, HAKLEO 21. artikuluan aurreikusitakoaren arabera.

Jarduteko gaitasuna kreditatzeko aurkeztuko diren dokumentuak:

- Lizitatuzailea pertsona juridikoa denean, eraketa-eskritura edo eraketa-agiria, Estatutuak edo fundazio-egintza, jarduera erregulatzen duten arauak jasoko dituztenak eta behar bezala inskribatuak, kasua denean, pertsona juridiko mota horri dagokion Erregistro publikoan.
- Proposamena sinatzen dutenak aldi baterako enpresa-elkartea (ABEE) eratzeko asmoa duten pertsona fisiko edo juridikoak direnean, dokumentu pribatu bat aurkeztuko da, bertan adieraziz: lizitazioan batera aurkezteko borondatea eta esleipendun gertatuz gero kontratua aurrera eramateko ABEE eratzeko konpromisoa, enpresa bakoitzaren partaidetzaren portzentajea eta, kontratua amaitu

arte, kontratutik eratorritako eskubideak egikaritzeko eta betebeharrak betetzeko ahalmena izango duen ordezkari edo ahalordedun bakar baten izendapena. Idazki hori sinatu beharko dute ABEE osatuko duten enpresa guztiek eta baita ahalordedunak ere. Eskaintza bateratua aurkezten duen enpresa-elkarte bateko partaideek ezingo dute banako posizioak aurkeztu eta ezingo dira beste aldi baterako elkarte batean edo beste enpresa batzuekin batera sartu. Debeku hori ez betetzeak, araua hautsi duen lizitzaileak sinatutako eskaintza guztiak ez onartzea ekarriko du.

- Lizitzaileak bere izenean diharduenean, parte-hartzailearen Nortasun Agiri Nazionalaren edo bere estatuko agiri baliokidearen fotokopia aurkeztu beharko du.
- Besteren izenean agertzen direnek edo proposamenak sinatzen dituztenek, Nortasun Agiri Nazionalaren kopia eta horretarako behar besteko ahalordea aurkeztuko dituzte. Enpresa pertsona juridikoa bada, ahalordeak Merkataritza Erregistroan inskribatuta egon beharko du, Merkataritza Erregistroaren Erregelamenduaren 94. artikuluan aurreikusitakoaren arabera galdagarria denean.
- Enpresariak espainiarrak ez badira baina bai Europar Batasuneko estatu batekoak, kokatuta dauden estatuko legediak agintzen duen Erregistroan inskribatuta daudela kreditatu beharko dute, edo zinpeko adierazpen bat edo ziurtagiri bat aurkeztu beharko dute, aplikatzekoak diren xedapen komunitarioen arabera.
- Gainerako enpresari atzerritarrek Espainiak haien estatuan duen Diplomaziako Misio Iraunkorrek edo enpresaren egoitzari dagokion Kotsularen Bulegoak egindako txostenaren bidez kreditatu beharko dute jarduteko gaitasuna. Txosten horren bitartez justifikatu beharko dute enpresa atzerritarren jatorrizko estatuak aukera ematen diela Espainiako enpresei hango administrazioarekin eta SPKLTBko 3. artikuluan aipatutako sektore publikoko kideko entitate, organismo edo erakundeekin egiten diren kontratazioetan funtsean modu berdintsuan parte hartzeko.

b) **Berariazko eta ardurapeko adierazpena**, I. Eranskinean jasota dagoen ereduaren araberakoa. Adierazpen horretan aitortu beharko du **ez duela kontratatzeko debekurik** SPKLTBko 60. artikulua ezarritakoaren arabera, espreski aipatuz artikulua horretako 1. ataleko c) letrak dioena, hau da, ez duela zehapen irmorik jaso laneko segurtasun eta osasunaren arloan arau-hauste larria egiteagatik; eta beteta dituela zergen eta gizarte segurantzaren arloko betebeharrak, HAKLEOko 13. eta 14. artikuluetan aurreikusten diren irismenekin eta moduarekin.

c) **J.E.Z.-en** kontratuaren xedeari dagokion epigrafean **alta emanda dagoela kreditatzeko agiria**, alta aurkeztuz une horretako ekitaldikoa bada, edo azkeneko J.E.Z.-ren ordainagiria aurkeztuz gainerako kasuetan, edozein kasutan, zerga horren matrikulan ez duela baja eman aitortzeko ardurapeko adierazpenarekin batera (I. Eranskina).



d) **Lizitatuzaileen dokumentu eta datu konfidentzialak.** SPKLTBak 140. artikuluan aurreikusten duen modura, lizitatuzaileek adierazpen osagarri baten bidez adierazi behar dute zein dokumentu administratibo eta tekniko eta zein datu hartu behar diren haien ustez konfidentzialtzat, horrelakorik badago. Konfidentzialtzat jotako dokumentuan bertan ere argi eta garbi adierazi beharko da izaera hori (gainean, orri ertzean, edo beste edonola). Lizitatuzaileek aurkeztutako dokumentuak eta datuak konfidentzialtzat hartu ahal izango dira, horien berri hirugarren bati emateak enpresaren merkataritza-interes legitimoen kontra egin dezakeenean, arlo bereko enpresen arteko lehia leiala kaltetu dezakeenean edo Izaera Pertsonaleko Datuen Babesari buruzko abenduaren 13ko 15/1999 Lege Organikoak ezarritako debekuak urratzen dituenean. Adierazpen hori egiten ez bada, ulertu ahalko da aurkeztutako dokumentu edo datu guztiak edo batzuk, ezaugarrien arabera, ez direla konfidentzialak.

e) Gainera, entitate lizitatuzaileak jarraian adierazten diren **kaudimen-baldintzak** bete beharko ditu lehiaketa publikoan parte hartu ahal izateko:

e.1.) **Kaudimen ekonomikoa eta finantzarioa** SPKLTBko 75. artikularen arabera kreditatzen duen justifikazioa, dokumentu hauek aurkeztuta:

1. Negozioaren bolumen osoaren adierazpena eta, hala badagokio, kontratuaren xedeari dagozkion jardueren esparruko negozioen bolumenari buruzkoa, gehienez eskura dauden azken hiru (3) ekitaldietakoak. Azken hiru (3) urteetan negozio bolumenaren batez bestekoa gutxienez lizitazioaren oinarritzko aurrekontuaren adinakoa izan dela kreditatu beharko da.

Urteko kontuek emaitza positiboak erakutsi beharko dituzte gutxienez aipatu ekitaldietako bitan.

2. **BERREHUN MILA EUROKO (200.000 €) Erantzukizun Zibileko aseguru bat** dagoela frogatzen duen agiria. BTAko 7.2.1. klausula.

3. Enpresa esleipendunak **Ingurugiroarekiko Erantzukizun aseguru bat** kontraturik duela ziurtatu beharko du, eta aseguraturako mugak ezingo du izan 200.000€ (berrehun mila euro) baino gutxiagokoa istripu bakoitzeko ezta 200.000€ (berrehun mila euro) baina gutxiagokoa urte bakoitzeko. Ingurugiroarekiko Erantzukizun aseguru honek kontratatutako zerbitzuaren alderdi guztiak, Plegu honetan jasotakoak, bere gain hartuko ditu. Horrela, esleipendunak zerbitzua egikaritzean Gipuzkoako Hondakinen Kudeaketa S.A.U.ri edo hirugarrenei sor diezaiekeen kalteen erantzukizun osoa bere gain hartuko du.


Justifikatutako arrazoiren batengatik, lizitatuzailea edo talde bat osatzen duten lizitatuzaileetako bat ez badago aipatu erreferentziak aurkezteko moduan, kontratazio-organoak bere kaudimen ekonomikoa eta finantzarioa kreditatzeko baimena eman ahal izango dio, egoki deritzon beste edozein dokumenturen bidez.

e.2.) **Kaudimen tekniko eta profesionala** SPKLTBko 78. artikulua ren arabera kreditatzen duen justifikazioa, dokumentu hauek aurkeztuta:

1. Azken hiru urteetako zerbitzu nagusien eta kaudimen tekniko edo profesionalaren zerrenda, horien zenbatekoak, datak eta hartzailea, publiko edo pribatua, jasotzen dituen. Egindako zerbitzuak edo lanak organo eskudunak igorritako edo bisatutako ziurtagirien bidez kreditatuko dira, hartzailea sektore publikoko entitate bat denean; hartzailea subjektu pribatu bat denean, honek igorritako ziurtagiri baten bidez edo, ziurtagiri hori ezean, enpresariaren adierazpen baten bidez; kasua balitz, ziurtagiri horiek zuzenean jakinaraziko dizkio agintaritza eskudunak kontratazio-organuari.
2. Kasu guztietan, enpresaren urteko batez besteko langile-taldearen BERARIAZKO ARDURAPEKO ADIERAZPEN bat aurkeztuz; bertan, kasua balitz, enpleguan duen egonkortasun maila eta azken urteotako zuzendaritzako langile-taldea adieraziko dira, dagokion justifikazio-dokumentuekin batera.
3. Enpresarien eta, bereziki, kontratua gauzatzearen ardura duten langileen titulu akademikoak eta profesionalak.
4. Langile guztiek eskaintzan proposatutako bitarteko mekanikoen baliokideekin merkantzien garraioan gutxienez 5 urteko esperientzia dutenaren konpromisoa kreditatu beharko da.
5. Lanak edo prestazioak behar bezala gauzatzeko erabiliko diren makina, material eta ekipo teknikoaren adierazpena; horiei buruz BTAaren 4.3. klausulak adierazten duen dokumentazioa aurkeztu behar da.
6. Baldintza Teknikoen Agiriko 6 eta 7. ataletan zehaztutako baldintza teknikoak betetzen direla justifikatzen duen dokumentua.
7. Lizitatuzaileek garraio publikoaren baimen administratiboa dutela kreditatu beharko dute, martxoaren 20ko FOM/734/2007 Aginduak zehazten duen bezala.
8. Lizitatuzaileek, kreditatu egin beharko dute Espainiar Estatutik kanpo egin behar diren garraioetarako **komunitate barneko lizentzia** dutela, Espainian Sustapen Ministerioak igortzen duena.



Idazkariak,



f) **Proposamen teknikoa**

Proposamena memoria batean zehaztuko da. Memoria horretan justifikatuko da betetzen direla Baldintza Teknikoen Agiriaren 8.3. klausulan zehaztutako eskakizun guztiak eta puntuazio teknikoa jasoko duten edukiak xehatuko dira (ikus baldintza-agiri honen 16. klausula).

Memoria horretan, lizitatzailleek, ahalik eta zehatzen, garraio-zerbitzua eskaintzeko modua deskribatu beharko dute, eta zerbitzuaren beharrak betetzeko aurreikusitako baliabideak eta plangintza egokiak direla justifikatu beharko dute.

Proiektu horren edukiak ahalik eta modu argienean aurkeztuta egon beharko dira, dokumentua behar bezala egituratuta egon beharko da, eta datu teknikoetan, eskemetan, planoetan eta abar, ahalik eta xehetasun gehien eman beharko da, behar bezala ebaluatu ahal izateko. Proiektu horrek eduki hauek izan beharko ditu GUTXIENEZ:

- Aurreikusitako giza baliabideak, horien maila profesionala eta funtzioak.
- Aurreikusitako baliabide materialak, ibilgailuak zein gainerako makineria, erremintak, erregaiak eta abar zehatz-mehatz azalduz.
- Ustekabekoei, matxurei eta antzekoei aurre egiteko aurreikuspenak, ibilgailuen, makineriaren eta instalazioen mantentze prebentibo eta zuzengarrirako plana barne.
- Lanen kokapena, plangintza eta koordinazioa, proposatutako baliabideen araberakoak izan beharko direnak, eta aldi berean, zerbitzuaren premiak asetzeko egokiak. Plangintzaren barne egon beharko dira aurreikusitako egutegia eta ordutegia, baita informazioa kontrolatu, erregistratu eta komunikatzeko sistemak ere.
- Zerbitzuan eragina duten kanpo baldintzatzaileen inguruko aurreikuspenak (hondakindegiko ordutegiak zein araudiak, eta abar), zerbitzuaren premien araberakoak izan beharko dira.
- Akei Plantarako artapen-proposamena, lan, baliabide eta proposamen guztiak modu ZEHATZEAN azaldu, betiere epeak eta maiztasunak ere zehaztuz, era horretan, eskaintzaren irismena ezagutu ahal izateko.
- Baldintza Administratibo Berezien Agiriak xedatutakoaren arabera, eskaini nahi den beste edozein hobekuntzaren azalpena.

g) **Proposamen ekonomikoa**

Lizitatzailleek baldintza-agiri honekin batera aurkeztutako V. Eranskinean jasotako ereduari egokitutako proposamen ekonomikoa bat aurkeztu beharko dute.

Gutun-azal hori lizitatuzaileak edo haren ordezkariak sinatuta egon beharko da, eta Baldintza Agiri honetako V. Eranskinen ageri den ereduaren arabera proposamen ekonomikoa eduki beharko du barruan.

Eredu horretan, lizitatuzaileak GHKri eskaintzen dion prezioa zehaztuko da, eta ezingo da 24 euro (HOGEITA LAU EURO) baino handiagoa izan garraiatutako tona bakoitzeko.

Memoria ekonomikoa ere egin beharko da, eskaintza teknikoan proposatutako giza baliabideen eta baliabide teknikoaren balorazio argia eginez. Memoria ekonomikoaren barne, laburpen gisa, horrelako taula bat aurkeztu beharko da:

Zerbitzuaren kostua guztira, urteko	X EURO
Urteko tona-kopurua	8.500
Tonako prezioa (A)	$A = X / 8.500$

Era horretan, eredu-bidaiarako (A) tonako prezioa zehaztuko da, hots, eskaintzaileak garraiatutako tona bakoitzagatik fakturatuko duena.

Prezio hori kalkulatzeko Debagoiena-Sasieta arteko eredu-bidaia hartuko da kontuan, hots, 35 kilometroko ibilbidea.

Tonako prezioa (A) bat etorri beharko da Baldintza Administratibo Berezien Agiriko V. Eranskinen proposamen ekonomikoa zehaztutakoarekin.

Kontusail bereizi gisa, kasu bakoitzean jasanarazi beharreko Balio Erantsiaren gaineko Zerga zehaztu beharko dute lizitatuzaileak.

Ez dira gabeziak, akatsak edo zirriborroak dituzten proposamen ekonomikoa onartuko, hain zuzen ere kontratazio organoaren ustez, eskaintza aztertzeko beharrezkoa den informazioa ezagutzen uzten ez dutenak. Proposamenen bat ez badator bat aztertu eta onartutako dokumentazioarekin, lizitazioaren oinarriko aurrekontua gaindituko balu, zehaztutako eredu nabarmen aldatzen badu, proposamenaren zenbatekoan ageriko akatsa badago edo lizitatuzaileak berak aitortzen badu akatsak dituela eta ez dela bideragarria, ukatu egingo da, eta ez da hori ukatzeko nahikoa arrazoi izango eredu hitz batzuk aldatu edo kentzea, baldin eta horrek ez badu proposamenaren zentzua aldatzen.



h) Proposamena **Aldi Baterako Enpresen Elkarte** batek aurkezten badu, hori osatzen duen pertsona bakoitzak bere gaitasuna eta kaudimena kreditatu beharko ditu. Kasu horretan, metatu egingo dira, egoki den moduan, elkartean sartutako talde bakoitzak kreditatutako ezaugarriak, eta ABEEko kide den talde bakoitzaren sailkapen indibidualak, baldintza-agiri honetan eskatzen den kaudimen/sailkapen orokorra egiaztatu ahal izateko. Era berean, elkarteko kide guztien legezko ordezkariak sinatutako dokumentu bat aurkeztu beharko da, sinatzen duten enpresari izenekin eta gorabeherekin. Dokumentu horretan adieraziko dute esleipendun gertatuz gero aldi baterako enpresa-elkartea eratzeko konpromisoa hartzen dutela, zenbateko partaidetza duen bakoitzak elkartean, eta gainera pertsona bat izendatuko dute kontratua indarrean den bitartean guztien ordezkari izan dadin administrazioaren aurrean.

Sailkapena nahitaezkoa denean, aldi baterako elkartean enpresari nazionalak eta Europar Batasuneko Estatu batekoak ez diren atzerritarrak, eta Europar Batasuneko Estatu batekoak diren atzerritarrak daudenean, lehengo bi multzoetakoek sailkapena kreditatu beharko dute, eta hirugarrenekoek kaudimen ekonomiko eta finantzarioa, teknikoa edo profesionala.

i) **Atzerriko enpresek**, kontratutik zuzenean edo zeharka etor litezkeen gorabehera guztietan Espainiako edozein arlotako epaitegi eta auzitegien mende jartzen direla eta, hala dagokionean, lizitatzailari atzerrian egokitu dakiokkeen foru jurisdikzionalari uko egiten diotela esaten duen adierazpena, baldintza-agiri honekin batera ematen den **III. Eranskinean** jasotako ereduaren arabera.

Europar Batasunetik kanpoko enpresek kreditatu egin beharko dute Espainian sukurtsala zabalik dutela, eragiketetarako ahalorde edo ordezkariak izendatuta, eta Merkataritza Erregistroan izena emanda.

Enpresa horiek aurkezten duten dokumentazioa era ofizialean gaztelaniara edo euskarara itzuliko da, HAKLEOko 23. artikuluan xedatutakoaren arabera.

j) Prozedura honetatik etorriko diren jakinarazpenak egiteko helbide elektronikoa, SPKLTBko 151.4. artikuluan aurreikusitako ondorioetarako (**IV. Eranskina**).

Goiko a) eta c) letretan adierazitako baldintzak egiaztatu ahal izango dira Euskal Autonomia Erkidegoko Kontratisten eta Sailkatutako Enpresen Erregistro Ofizialeko ziurtagiriarekin, Estatuko Lizitatzaileren eta Sailkatutako Enpresen erregistro Ofizialeko ziurtagiriarekin, edo Europar Batasuneko sailkapen-ziurtagiri batekin, SPKLTBko 84. artikulua xedatutakoaren arabera. Aipatu ziurtagiriarekin batera, adierazitako egoerak ez direla aldatu ziurtatzen duen lizitatzaileren ardurapeko adierazpena ere gehitu beharko da. Adierazpen hori berriro egin beharko da, esleipendun gertatuz gero, kontratua formalizatzeko dokumentuan, kontratazio-organoari eragotzi gabe Kontratisten Erregistroan kontsulta bat egitea.

## 17 BEHIN-BEHINEKO BERMEAK ERATZEA

Lizitazio honetan parte hartzeko beharrezko baldintza izango da, aurretik, kontratazio-organoarentzat, eskakizun eta baldintza hauek betetzen dituen behin-behineko bermea eratu dela kreditatzea:

1. Behin-behineko bermea lizitazioaren oinarrizko aurrekontuaren % 2ari dagokion zenbatekoan eratu da, BEZ gabe.
2. Behin-behineko bermea honela eratu ahal izango da eta hemen aurkeztu beharko da:
  - a) Dirutan. Euskadiko Diruzaintza Nagusian aurkeztuko da edo, hala badagokio, dagokion entitatearen bulego baliokidean. Hartutako balioen ibilgetze-ziurtagiriak kontratazio-organoari aurkeztu behar zaizkie.
  - b) Jarduteko baimena duten banku, aurrezki-kutxa, kreditu-kooperatiba, kredituko finantza-erakunde edo elkarren bermerako sozietate batek emandako abal baten bidez. Hori kontratazio-organoari aurkeztu behar zaio.
3. Behin-behineko berme gisa eratzen diren abalak, behartzeko behar adina ahalmen duten entitate abal-emaileko ahalordeek baimendu beharko dituzte.
4. Behin-behineko bermeak, aurkeztutako proposamenak kontratua esleitu arte mantentzeko erantzungo du. Esleipendun gertatzen den lizitatuarentzat, bermeak erantzungo du, halaber, baldintza-agiri honen [20. klausulan](#) zerrendatzen den dokumentazioaren aurkezpenari lotutako betebeharrak betetzeko eta kontratua formalizatzeko unean.
5. Behin-behineko bermea automatikoki iraungiko da, eta lizitatuarenei itzuliko zaie, kontratua esleitu eta berehala. Dena den, esleipendunarena atxikita geratuko da behin betiko bermea eratzen den arte, eta konfiskatu egingo da esleipena baino lehen bere proposamena justifikatu gabe erretiratzen duten enpresena. Horrelakoetan, HAKEOko 62.1. artikuluan xedatutakoa aplikatuko da.
6. Esleipendun ateratzen denak aukera izango du bai behin-behineko bermearen zenbatekoa behin betikoan aplikatzeko, bai behin betikoa oso-osorik eratzeko. Azken kasu horretan, behin-behineko bermea behin betikoa eratzen den une berean deuseztatuko da.

Espedientean behar adina justifikatu dira kontratu honetan behin-behineko bermea eskatzea beharrezkoa zela ulertzearen arrazoiak.



## 18 AURKEZTUTAKO ESKAINTZAK BALORATZEKO IRIZPIDEAK

Lizitatzailleek aurkeztu beharreko dokumentazioa 16.3. klausulan adierazitako edukira egokitu beharko da, klausula horretan ezartzen diren esleipen-irizpideak baloratzeko eta puntuatzek.

Proposamenei gehienez 100 puntu emango zaizkie, ondoren adierazten den bezala:

- ESKAINTZA TEKNIKOA: 20 PUNTU
- ESKAINTZA EKONOMIKOA: 80 PUNTU

Kontratua abantaila gehien dituen eskaintzari esleituko zaio, irizpide objektibo hauen arabera.

### **1. IRIZPIDEA (Balio judizioen bidez ebalua daitekeena)**

#### **MEMORIA TEKNIKOA: 15 PUNTU GEHIENEZ**

Baldintza Teknikoen Agiriaren 9 klausulan agertzen den bezala, proposamen teknikoaren balorazioa honela egingo da:

- Giza baliabideen egokitasuna zerbitzuaren premiak asetzeko.
- Aurreikusitako baliabideen egokitasuna zerbitzuaren premiak asetzeko, eskaintzan zehaztutako trakzio-buruak banan-banan aipatuz, baita ordezkioak ere, halakorik balego.
- Zerbitzua bermatzeko eskaintako erdiatoi-kopurua, horietakoren bat ordezkioa den zehaztuz (GHKk jarritako biak ez dira baloratuko).
- Ustekabeei, matxurei eta antzeko gorabeherei aurre egiteko aurreikuspenen egokitasuna, era horretan, zerbitzuaren premiak asetzeko.
- Lanen kokapena, plangintza eta koordinazioaren koherentzia, betiere proposatutako baliabideak kontuan hartuta, eta horren egokitasuna zerbitzuaren premiak asetzeko, aurreikusitako egutegiarena eta ordutegiarena barne.
- Zerbitzuan eragina dute kanpo baldintzatzaileen inguruko plangintzaren koherentzia (hondakindegia orduetegiak eta araudia, eta abar).
- Akei plantaren artapenerako proposamena, jarduera zehatzak proposatuz. Jarduerak betetzeko epeak zehaztuko dira.

## HOBEKUNTZA TEKNIKOAK: 5 PUNTU GEHIENEZ

Lizitazzaileek eskaintzen dituzten Hobekuntzak baloratuko dira, bai garraio zerbitzuari dagozkionak eta baita Transferentzia Plantari dagozkionak ere, kontratuari ekarpen eraginkorrik eragiten diotenak. Horrek ez dio GHKri inolako kosturik ekarriko.

## 2. IRIZPIDEA (automatikoki kuantifikagarriak diren irizpideen bidez neurtuko da)

### PROPOSAMEN EKONOMIKOA: 80 PUNTU GEHIENEZ

Eskaintza ekonomikoaren balorazioa egiteko, garraiatutako tona bakoitzeko prezioa hartuko da erreferentzia gisa, hain zuzen ere eskaintzan zehaztutakoa.

Onartutako proposamenetako eskaintza ekonomikoen puntuazioak kalkulatzeko, P1 (beherapen maximoa, puntuazio maximoa) eta P2 (0ko beherapena, zero puntuazioa) puntuak definitzen duten lerrozuzenean, puntu horiek mugatzen duten segmentuaren barruan, interpolazio lineala egingo da.

Eskaintzetan "prezioa" baloratzeko, soilik garraiatutako tonako prezioa (BEZik gabe) hartuko da kontuan, hain zuzen ere Baldintza Administratibo Berezien Agiriko V. Eranskineko ereduaren arabera proposamen ekonomikoan ageri dena.

Aipatutako puntuak hauek dira:

P1– Eskaintza merkeenari dagokiona (beherapen maximoa), berari emango zaion puntuazioarekin, Pmax puntuazio maximoarekin, alegia.

P2 – Lizitazioaren Oinarrizko Prezioari dagokiona (24 euro tonako), 0 puntu emango zaizkio prezio horri.

Eskaintzaile bakoitzak lortutako puntuazioa (P) kalkulatzeko, ekuazio hau aplikatuko da:

$$P = (P_{\max} \times B) / B_{\max}$$

Non (Bmax = Beherapen maximoa)

Baja (B) gisa ulertzen da Lizitazioaren Oinarrizko Prezioaren eta eskaintza ekonomikoaren arteko aldea, Lizitazioaren Oinarrizko Prezioarekin zatituta.



## 19 PROPOSAMEN NEURRIGABEAK EDO OHIZ KANPOKOAK

1. Hasiera batean, proposamen bat ohiz kanpokotzat edo neurrigabetzat joko da, baldin eta bere baja portzentajeak % 20 edo gehiagoz gainditzen badu onartutako proposamen guztien baja-portzentajeen batez besteko aritmetikoa.
2. Lizitzaile bakoitzaren proposamena kalkulatzeko 1, 2 eta 3. prezioetarako kontuan hartutako urteko zenbatekoak lizitzaileen eskaintako unitate-prezio bakoitzarekin biderkatuko dira.
3. Kontratu honen xedeari dagokionez ohiz kanpokoak edo neurrigabeak diren eskaintzak jasotzen badira, Kontratazio Mahaiak, horiek baztertu aurretik, horiek aurkeztu dituztenei idatziz eskatuko dizkie egoki deritzen azalpenak eskaintzaren osatzen duen guztiari buruz, eta eduki hori egiaztatuko du ematen dizkioten azalpenak kontuan hartuz. Horretarako lizitzaileei hiru (3) eguneko epea emango die, aipatu azalpenen eskaera jasotzen denetik hasita.

Kontratazio Mahaiak kontuan hartu ahal izango ditu justifikazio objektiboak, esaterako, eraikuntza edo fabrikazio metodoaren ekonomia, aukeratutako konponbide teknikoak, edo lizitzaileak kontratua gauzatzeko unean izango dituen baldintza abantailatsuak.

Edonola ere, ohikoak baino eskaintza baxuagoak aurkezten badira, dagokion lizitzaileak eskaintako justifikazioaren arabera, GHKk baztertu egin ahal izango ditu.

## 20 ESKAINTZEN SAILKAPENA ETA KONTRATUAREN ESLEIPENA.

### 20.1. Eskaintzen sailkapena.

G.H.K.ko zerbitzu teknikoek, epe barruan eta modu egokian aurkeztutako dokumentuak kalifikatuko dituzte eta zuzendu daitezkeen akatsak edo omisioak antzematen badituzte, lizitzaileari gehienez hiru egun baliouduneko epea emango diote horiek zuzen ditzan.

Dokumentazioan antzemandako akats edo omisioak zuzendu ondoren, hala badagokio, eta eskatzaileen gaitasuna eta kaudimena egiaztaturik, kontratazio fasea irekiko da, hurrengo gai ekonomiko eta teknikoen inguruan eztabaidatu ahal izango delarik: prezioa, berme epea, hobekuntzak, ...

Aurkeztutako eskaintzak ikusita eta parte-hartzaileekin egin beharreko negoziazioak egindakoan eta burututakoan, kasua bada, GHK-ko Zerbitzu Teknikoek eskaintzei buruzko txostena egingo dute eta Kontratazio Mahaiari helaraziko diote. Kontratazio



Mahaiak, proposamena egin aurretik, behar dituen txosten tekniko eta juridikoak eskatu ahal izango ditu kontratazio-organoari eskaintzen sailkapen proposamena egiteko.

Kontratazio-organoak beheranzko ordenan sailkatuko ditu aurkeztutako eta neurrigabe edo anormaltzat jo ez diren proposamenak, horrela aurreikusi bada preskripzio teknikoan pleguan. Sailkapen hori egiteko, pleguan edo iragarkian adierazitako adjudikazio-irizpideak izango ditu kontuan, eta horretarako egoki deritzen txosten tekniko guztiak eskatu ahal izango ditu, SPKLTB-aren 151. artikulua adierazten duen moduan.

**Kontratazio-organoak ekonomikoki eskaintza onena egin duen lizitatzailari eskatuko dio, hamar (10) egun baliouduneko epean, eskaera jaso eta biharamunetik zenbatuta, esleipen-prezioaren % 5eko behin betiko bermea jarri duela eta tributuen eta Gizarte Segurantzaren arloko betebeharrak beteta dituela egiaztatzeko dokumentazioa aurkez dezan** edo kontratazio-organoari baimena eman diezaion zuzenean lor ditzan egiaztariak. Ziurtagiri horiek guztiak bitarteko elektronikoen, informatikoen edo telematikoen bidez eman daitezke, baldintza-agirietan bestelakorik ezarri ezean.

Eskakizun hori adierazitako epean bete ezean, lizitatzailak bere eskaintzari uko egin diola ulertuko da, eta kasu horretan hurrengo lizitatzailari eskatuko zaio dokumentazio berbera, eskaintzen sailkapeneko ordenari jarraituz.

## 20.2. Esleipena.

**Kontratazio-organoak dokumentazioa jaso eta hurrengo bost (5) egun baliouduneko epean esleitu beharko du kontratua.**

Lizitazioa ezingo da esleitu gabe utzi, baldintza-agiriko irizpideen arabera onargarri den eskaintza edo proposamenik aurkeztu bada.

Esleipena arrazoitua izango da, hautagaiei eta lizitatzailaiei jakinaraziko zaie eta, aldi berean, kontratatzailearen profilean argitaratuko da.

## 20.3. Esleipena jakinaraztea.

Jakinarazpenak, kasu guztietan, behar adinako informazioa eman behar du; zehazki, puntu hauek adieraziko ditu:

- a) Baztertutako hautagaiei buruz, horien hautagaitza baztertu izanaren arrazoiak azalpen laburtua.
- b) Esleipen-prozeduratik baztertu diren lizitatzailaiei dagokienez, horien eskaintza onartu ez izanaren arrazoiak azalpen laburtua.





Idazkariak,

- c) Edonola ere, esleipendunaren izena eta hautatu den eskaintzaren ezaugarriak eta abantailak, onartutako gainerako lizitatzailleek aurkeztu dituzten eskaintzen aldean lehenetsuna emateko erabakigarri izan direnak.

Esleipenaren arrazoiei konfidentzialtasun-salbuespena aplikatuko zaie, SPKLTBko 153. artikuluan xedatutakoaren arabera.

Jakinarazpena egiteko, hartzaileak jaso izana agerian utz dezakeen edozein bide erabil daiteke. Zehazki, lizitatzailleek eskaintza aurkezterakoan baldintza-agiri honen IV. Eranskinean adierazitako helbide elektronikoaren bidez egin daiteke, ekainaren 22ko 11/2007 Legeak, herritarrak zerbitzu publikoetara bide elektronikoz sartzeari buruzkoak, 28. artikuluan xedatutakoaren arabera. Hala ere, jakinarazpena baztertu egin dela - azaroaren 26ko 30/1992 Legearen 59.4. artikuluan aurreikusitako ondorioekin ulertzeko epea bost (5) egunekoa izango da.

Dena dela, kontratazio-organoak aukera dezake esleipenari buruzko hainbat datu ez jakinaraztea, baldin eta uste badu, espedientean behar bezala arrazoituz, informazio hori zabaltzea eragozpen izan daitekeela arau bat aplikatzeko, edo interes publikoaren aurkakoa izan daitekeela, edo enpresa publiko edo pribatuen legezko merkataritza-interesak edo beren arteko lehia leiala kaltetu ditzakeela.

#### **20.4. Esleipena ebaztea.**

Behin-behineko esleipendunak beharrezko baldintzak betetzen ez dituelako kontratua ezin denean behin betiko esleitu, beste deialdi bat egin aurretik Administrazio Kontseiluak behin-behineko esleipena egin diezaioke haren ondorengo lizitatzailleari edo lizitatzailleei, horien eskaintzak sailkatuta dauden hurrenkeran, betiere, hori egin daitekeenean eta esleipendun berria ados dagoenean. Horrela eginez gero, esleipendun berriari hamar (10) egun balioduneko epea emango zaio baldintza-agiri honen 20.1 eta 21. klausuletan adierazitako dokumentazioa aurkez dezan.

#### **20.5 Dokumentazioa zaintzea.**

Behin kontratua esleituta dagoenean, errekurtsioak aurkezteko epea errekurtsorik jarri gabe amaitu bada, proposamenekin batera aurkeztutako dokumentazioa interesatuen esku geldituko da. Dokumentazioa erretiratzeko eskaera idatziz egin beharko da. Ez badute dokumentazioa erretiratzeko epe hori igaro eta hurrengo hiru hilabeteetan, kontratazio-organoak ez du zaintzen jarraitzeko obligaziorik izango, behin-behineko bermea justifikatzen duten dokumentuak izan ezik, horiek mantendu egingo baitira interesatuei entregatzeko.

### **21 ESLEIPENDUNAK AURKEZTU BEHARREKO DOKUMENTUAK**

Aurreko klausulan adierazitakoekin batera, baldintza-agiri honetako 16.3. atalean eskatutako aseguru-polizaren ordainagiri eguneratuaren benetako kopia aurkeztu beharko du esleipendunak.

Eta, hala dagokionean, ABEE legez eratu izana kreditatzeko agiria aurkeztu beharko du.

Edozein kasutan, Jarduera Ekonomikoen gaineko Zergaren matrikulan ez duela baja eman aitortzeko ardurapeko adierazpena ere aurkeztu beharko da.

## 22 BEHIN BETIKO BERMEA

Baldintza-agiri honetako [20.1.](#) klausulan adierazten den bezala, eskaintza ekonomiko onuragarriena aurkeztu duen lizitatuzaileak **esleipen-prezioaren % 5eko** behin betiko bermea eratu beharko du kontratazio-organoaren alde, Balio Erantsiaren gaineko Zerga kenduta, SPKLTBko 95.2. artikulua araberan, kontratutik sortutako betebeharrak beteko dituela bermatzeko.

- Behin betiko bermeak SPKLTBko 100. artikuluan ezarritako kontzeptuak bermatu beharko ditu.
- Berme hori SPKLTBko 96. artikuluan ezarritako bideetako edozeinen bitartez eratu ahal izango da. Baliabide elektronikoa, informatikoa edo telematikoa bidez egiaztatuta ahal izango da bermea eratu izana. Baldintza hori betetzen ez bada berari egotz dakizkiokeen arrazoiengatik, GHK ez dio esleipenik emango eta SPKLTBko 151.2. artikuluko azkeneko paragrafoan xedatutakoa aplikatuko da.
- Esleipendunari zigorrak ezartzen bazaizkio kontratuko betebeharrak ez betetzeagatik, kontratazio-organoak bermearen aurka jo ahal izango du askatasun osoz, eta eskubi hori ez da etenda geratuko esleipendunak jar litzakeen erreklamazio edo errekursoak bideratzen ari diren bitartean.
- Esleipendunak kontratuan ezarritako betebeharren bat bete ez duelako, bermearen kontra joko balitz, esleipendunak hamabost (15) egun naturaleko epean (bermea gauzatzen den egunetik zenbatuta) birjarri edo handitu beharko du, dagokion muntan.
- Kontratuaren aldaketaren baten ondorioz haren prezioa aldatzen bada, bermea berregokitu egin beharko da, aldatutako prezio berriarekin beharrezko proportzioa gorde dezan. Enpresariak hamabost eguneko epea izango du, aldatzeko erabakia jakinarazten diotenetik hasita, bermea egokitzeko.
- Bermea SPKLTBko 102. artikuluan xedatutakoaren araberan itzuliko da, bi urteko berme-epea igaro ondoren eta esleipendunak legezko betebeharrak guztiak bete dituztenean.
- Behin betiko bermea urtebeterako geratuko da lotuta, GHK kontratuaren harrera-akta sinatzen duenetik kontatuta, baldintza-agiri honetako 26. klausulan jasotakoaren araberan.





- Klausula honetan jasotako xedapenen bat ez betetzea nahikoa izango da kontratua GHKren alde suntsiarazteko, betiere ez betetze hori kontratistari egotz badakioke.

## 23 KONTRATUA BURUTZEA ETA FORMALIZATZEA

Kontratua formalizazioaren bidez burutuko da.

### 23.1 Kontratua formalizatzea.

Kontratua dokumentu pribatuan formalizatuko da, **bost (5) egun balioduneko epean, esleipenaren jakinarazpena jaso eta hurrengo egunetik zenbatuta**, SPKLTBko 151.4. artikuluan eta baldintza-agiri honetako [20.3.](#) klausulan aurreikusitako eran.

1. Kontratua formalizatzeko dokumentuak SPKLTBko 26. artikuluan eta HAKLEOko 71. artikuluan ezarritako eskakizunak bete beharko ditu.
2. Kontratua sinatzearekin bat, esleipendunak Baldintza Administratibo Berezien Agiria, Baldintza Teknikoen Agiria eta egindako eskaintza sinatu beharko ditu eta kontratuari gehituko zaizkio eranskin gisa, HAKLEOko 71. artikuluan ezarritakoari jarraiki.
3. Esleipendunak eskatzen badu, berak ordainduta, kontratua eskritura publikoan formalizatzeko, eskrituraren kopia soilak eman beharko dio kontratazio-organoari.

### 23.2 Ez formalizatzearen ondorioak

1. Esleipendunari egozteko arrazoiengatik, kontratua ezin bada formalizatu aurreko atalean aurreikusitako epean, SPKLTBko 156. 4. artikuluan ezarritakoa aplikatuko da.
2. Epearen barruan ez formalizatzeko arrazoia kontratazio-organoari egoztekoa bada, esleipendunak kalte-ordaina eskatu ahal izango du atzerapenak ekar liezazkiokeen kalte-galerengatik.

## IV. KAPITULUA: ALDERDIEN ESKUBIDEAK ETA BETEBEHARRAK

### 24 KONTRATISTAREN ESKUBIDEAK

Kontratua gauzatzean, baldintza-agirian aitortzen zaizkion eskubideak izango ditu kontratistak, bereziki, jarraian zehazten direnak:

### 24.1 Kontraprestazioa jasotzeko eskubidea.

Kontratatik itundutako prezioa kobratzeko eskubidea izango du, baldintza-agiri honetan eta kontratuari buruzko gainerako dokumentazioan aurreikusitako moduan, kontratua bere arrisku eta menturara gauzatzearen ordainetan.

### 24.2 Kontratua lagatzea

1. Debekatuta dago kontratutik sortutako eskubideak eta betebeharrak hirugarren bati lagatzea, kontratazio-organoak aldez aurretik, berariaz eta idatziz baimena eman ezean, eta kontratazio-organoak baimena ukatu ahal izango du lagatzailearen ezaugarri teknikoak edo pertsonalak erabakigarriak izan badira kontratua esleitzeko.
2. Aurrekoari kalterik egin gabe, kontratuaren lagapena baimentzeko, nahitaezko baldintza izango da kontratuaren ehuneko hogeia behintzat gauzatuta egotea eta lagapen-hartzaileak baldintza-agiri honetan lizitatzailerari eskatzen zaizkien gaitasun eta kaudimeneko baldintza berak izatea.
3. Baimendu eta eskritura publikoan formalizatu ondoren, lagapen-hartzailea subrogatuta geratuko da lagatzailearen eskubide eta betebehar guztietan.

### 24.3 Azpikontratatzea.

Kontratuaren prestazioak Administrazio Kontseiluak aurretik berariaz eta idatziz baimendu ondoren besterik ezin izango dira azpikontratatu, eta ezinbestekoa izango da azpikontratatik GHKrekin kontratatuzko legezko baldintzak eta baldintza-agiri honetan eskatzen direnak betetzea, eskatutako sailkapena kreditatzea eta baldintza-agiri honetan aurreikusten den bere gain hartutako baliabideak atxikituzko betebeharra betetzeko konpromisoa hartzea. Hori guztia, azpikontratazioaren xede den prestazioari edo prestazioei buruzkoa edota horiei dagokiena den edozein kontutan.

## 25 KONTRATISTAREN BETEBEHARRAK

Kontratua kontratistaren arrisku eta menturara gauzatuko da.

Kontratistaren betebeharrak izango dira, baldintza teknikoaren agirian jasotakoez gain, jarraian adierazten direnak:

- Zerbitzua ezarritako epean eskaintzea.



Idazkariak,



- Bere proposamenean jasotako giza baliabideak kontratuaren gauzatzeari atxikitzea.
- Baldintza-agiri honetan eskatutako aseguru-polizak kontratatzea.
- Behin betiko bermea eratzea.
- Lizitazioaren eta esleipenaren iragarkiei dagozkien gastuak ordaintzea.
- Kontratu honen xede diren prestazioetan erabiltzen dituen langileei dagokienez, laneko legediaren eta Gizarte Segurantzaren alorrean indarrean dauden xedapenak betetzea.
- Kontratuaren xedea burutzeko beharrezkoak diren ikus-onetsiak, baimen eta lizentziak, dokumentuak edo nolanhako informazioa, bai ofiziala bai pribatua, lortzea.
- Kontratuaren xedea burutzerakoan sortzen diren gastu guztiak, baita fiskalak ere, indarrean dauden xedapenen arabera.
- GHKri nahiz hirugarrenei, kontratua gauzatzeko beharrezkoak diren eragiketen ondorioz sortzen zaizkien kalte-galerak ordaintzea.
- Lan eta gizarte arau guztiak betetzea, bereziki Gizarte Segurantzari, Segurtasun eta Higieneari eta Lan Arriskuen Prebentzioari buruzkoak.
- Kontratistak, izaera pertsonala duten datuak eskuratuz gero, Datu pertsonalak babesteari buruzko abenduaren 13ko 15/1999 Lege Organikotik eta hau garatzen duen arauditik eratorritako betebeharrak bete beharko ditu.

### 25.1 Beharrezko langileak.

Baldintza Teknikoen Agiriko 3.1. klausulak ezartzen duen bezala, esleipendunak une oro zerbitzua eskaintzeko beharrezkoak diren langileak eduki beharko ditu, Baldintza Teknikoen Agiri honetan eta aurkeztutako eskaintzan deskribatutako arau eta zehaztapenen arabera. Kontratistak, bere langile-beharrak ezartzerakoan kontuan hartuko ditu nahitaez kontratu honetarako subrogatu beharreko langileak, eta hori hurrengo atalean zehazten da.

Kontratista esleipendunak, kontratuan zehar, ezingo du langile-taldea handitu modu egonkorrean, aurretik GHKren idatzizko baimena ez badu. Horretarako, aurretik eskaera formal bat aurkeztu beharko du, dagokion justifikazioarekin batera; hori GHKko zerbitzu teknikoek baloratuko dute eta eskaera hori onartu edo ukatu ahal izango dute. Horrenbestez, langileak hartzen badira, hori aldi baterako izango da, behar puntualak edo aparteko gorabeherak estaltzeko, beti ere esleipendunaren kontura, eta honek hartuko ditu bere gain langile horiek hartzeak dakartzan kostuan, eta hala badagokio, kontratuak deuseztatzeak, kaleratzeak eta abarrek eragindakoak.

Horrenbestez, lizitatuzaileek beren proposamenean kontratatutako zerbitzuak modu eraginkorrean egiteko beharrezko langileen aurreikuspenaren proposamena aurkeztu beharko dute, baita langileak ordezkatzeko plan bat ere.

Zerbitzuaren buru eta arduradun nagusi gisa pertsona bat agertu behar da. Bera arduratuko da esleitutako garraio-zerbitzua antolatzeaz eta ikuskatzeaz, eta enpresa

esleipendunaren egiturakoa izan beharko da. Berari dagokionez, aipatu Baldintza Teknikoen Agiriko 3.1 . klausulan adierazitako guztia aplikatuko da.

GHKk ez du harreman juridiko, laneko edo beste edozein motako harremanik izango enpresa esleipendunaren langileekin kontratuak indarrean dirauen bitartean, ezta hori amaitzen denean ere, eta enpresa esleipendunaren kontura izango dira goi garrarioaren kontratu edo zerbitzu hau amaitzearen ondorioz sortzen diren betebeharrak, kalte-ordainketa eta erantzukizun guztiak.

## 25.2 Langileak subrogatzea.

Bide-garbiketaren hitzarmenak, 9. artikuluan, hau ezartzen du: *“Kontrata bat bukatzen, galtzen, desegiten, lagatzen edo erreskatatzen den guztietan, eta, era berean, jarduera egiten duten erakundeek, pertsona fisikoen edo juridikoen arteko ordezkapena dakarren bestelako irudi edo modalitate bat bukatzen, galtzen, desegiten, lagatzen edo erreskatatzen den guztietan, zerbitzua uzten duen enpresako langileak zerbitzua egingo duen enpresa edo erakunde publiko berrian sartuko dira, eta enpresa edo erakunde berri horrek langileek ordezkaturako enpresan zituzten eskubideei eta betebeharrei eutsi beharko dizkie.”* Hitzarmen hori aplikagarria zaie hondakinak garraiatzeko zerbitzu-kontratuei, 2012ko maiatzaren 2an emandako 971/2012 Erregutze Errekurtsoan EAEko Justizia Auzitegi Nagusiaren lan-arloko salaren epaian oinarrituta.

SPKLTBko 120. artikulua arabera, lizitatzailerei jakinarazten zaizkie erreferentziazko hitzarmen kolektiboan aurreikusitako subrogazioak eragiten dien langileen kontratuen baldintzak baldintza-agiri honen [VI. Eranskinean](#) jasotakoak izango direla.

## 25.3 Konfidentzialtasuna

G.H.K.k kontratistari kontratua gauzatzeko edozein euskarritan emandako informazioa, dokumentazioa, planoak, fitxategiak edo zehaztapenak konfidentzialtzat jo beharko ditu kontratistak, eta ezingo dira argitaratu, zabaldu edo kontratua gauzatea ez den beste xede baterako erabili, komunikatu edo hirugarrenei lagatu, ez osorik ez partzialki.

Kontratistak, kontratuko prestazioak burutzeko emango zaizkion dokumentuak leialki eta arduraz zaintzeko betebeharra hartzen du bere gain, erabilitako euskarria edozein delarik ere, eta horrekin batera, dokumentuak eta horiek jasotzen duten informazioa, kontratuaren gauzatzetik at dauden pertsonengana ez iristeko konpromisoa hartzen du.

Kontratistak bere zerbitzura dauden langileei kontratu honen bidez bereganatzen dituen erreserba eta isiltasun eginbeharrei buruz jakinarazteko betebeharra hartzen du bere gain.



## 26 KONTRATAZIO-ORGANOAREN ESKUBIDEAK (GHK-KO ADMINISTRAZIO-KONTSEILUA)

Baldintza-agirian eta kontratuaren gainerako dokumentazioan eta aplikatzekoa den gainerako araudian ezarritako muga barruan eta bertan adierazitako baldintza eta ondorioekin, jarraian azaltzen diren eskubideak izango ditu GHKk.

Edozein kasutan, GHK-k hartu ahal izango ditu kontratuaren xede den gauzatzea etetea eragozteko beharrezkoak diren neurri guztiak, jarraipena bermatu ahal izateko, batez ere, kontratistaren ez-betetzea izan denean, eta eskubidea izango du kontratistari ordainarazteko egiten dituen gastuak eta kostuak eta, kasua bada, gastu eta kostu horiek kontratistari edozein kontzepturengatik zor dizkion zenbatekoekin konpentsatzeko. Hori dena, baldintza-agiri honetan kontratua suntsiarazteari buruz aurreikusitakoa eragotzi gabe.

### 26.1 Kontratua aldatzea

GHKk kontratua aldatu ahal izango du interes publikoengatik eta behar bezala justifikatutako ustekabeko kausei aurre egiteko, adibidez hiri hondakinen norakoaren aldaketa supostuan Baldintza Teknikoen Agiriak jasotzen duen bezala.

Kontratua aldatu ahal izango da, halaber, SPKLTBko 107. artikuluan aurreikusitako egoeraren bat gertatzen denean, baldin eta horrekin ez badira aldatzen lizitazioaren eta esleipenaren funtsezko baldintzak.

Aldaketa posible horiek nahitaezkoak izango dira kontratistarentzat.

Kontratuan egindako aldaketa idatziz formalizatu beharko da, SPKLTBko 107. artikuluan aurreikusitako moduan.

### 26.2 Aplikatzekoa den araudian aitortutako eskubideak

Baldintza-agiri honetan eta kontratuaren gainerako dokumentazioan aitortzen zaizkion eskubideez gain, aplikatzekoa den araudiak aitortzen dizkion gainerako guztiak ere izango ditu GHKk.

## 27 KONTRATAZIO-ORGANOAREN BETEBEHARRAK

GHKk baldintza-agiri honetatik, kontratuaren gainerako dokumentaziotik eta indarrean dagoen arauditik sortzen zaizkion betebeharrak guztiak beteko ditu.



Idazkariak,

#### IV. KAPITULUA: KONTRATUA GAUZATZEAREN GARAPENA ETA JARRAIPENA

### **28 ZERBITZUAK ESKAINTZEN HASTEAN**

#### **28.1 Lanak hastea**

Kontratista zerbitzuak eskaintzen hasi beharko da kontratua formalizatzen den unetik aurrera.

### **29 LAN-PROGRAMA.**

1. Kontratistak bere eskaintzan aurkeztutako zerbitzuen prestazioaren plangintza zehaztu beharko du Lan-programaren bidez. Hori GHKri aurkeztu beharko dio kontratua formalizatzen denetik hamar (10) egun naturaleko epearen barruan.
2. GHKk Lan-programa onartu beharko du aurkeztzen den egunetik zenbatuta hamar (10) eguneko epearen barruan; kasua bada, sartu behar diren aldaketak eta baldintzak ere onartu beharko ditu, beti ere kontratuaren edukiaren aurka ez badoaz.
3. Kontratistak aurkeztutako Lan-programa ez bada egokitzen BTAn jasotako baldintzetara eta kontratuaren gainerako dokumentuetara, edo beharrezkoa balitz aldaketak egitea, GHKk kontratistari eskatuko dio bost (5) eguneko epean zuzenketak egiteko eta GHKk egoki deritzen baldintzak sartzeko aurkeztutako Lan-programan, beti ere kontratuaren klausulen aurka ez badoaz. Kasu horretan, GHKk bost (5) eguneko beste epe bat izango du, aurkeztzen denetik zenbatuta, Lan-programa ikuskatzeko eta onartzeko.
2. Behin GHKk Lan-programa onartzen duenean, bi alderdiek formalizatutako kontratuari Eranskin gisa atxikiko zaio.
3. Lan-programak kontratatutako zerbitzuak eskaintzeko beharrezkoak diren lanen programa oso, zehaztu eta arrazoitu bat eduki beharko du.

Kontratistak eguneratu egin beharko du Lan-programa kontratuaren baldintzak aldatzen badira, eta hori ezarri edo eguneratu beharko du, beharrezkoa bada.

GHKk erabaki ahal izango du zerbitzuen ordainketak ez egitea kontratistak lan-programa behar bezala aurkeztu arte, eta ez du berandutza-interesak jasotzeko eskubiderik izango faktura horiek berandu ordaintzeagatik, kasua bada.

### **30 LANEKO SEGURTASUN ETA OSASUN PLANA**

Kontratuaren kontratista esleipendunak GHKren aurrean Laneko Segurtasun eta Osasun arloko betebeharrak betetzen dituela kreditatu beharko du.



Enpresak kontratuaren gauzatzearen zati bat azpikontratatzeko badu, azpikontratei beharrezkoak diren betebeharren justifikazioak eskatu beharko dizkie eta horiek GHKko prebentzio-zerbitzuari eman.

Lanak ezingo dira hasi GHKko prebentzio-zerbitzuaren baimenik gabe, beharrezkoa den dokumentazioa egiaztatu ondoren.

Lanak egiten ari zirela langileei edozein motatako istripu edo kalteren bat gertatuz gero, indarrean dauden arauetan xedatutakoa beteko du bere ardurapean, eta horrek ez dio inolaz ere GHKri eragingo.

### 31 LANEN ZUZENDARITZA.

Kontratatutako GHKk onartutako Lan-programaren arabera egingo ditu lanak, eta, kontratuaren dokumentazioaren interpretazioan, GHKk idatziz emango dizkion jarraibideen arabera; horiek nahitaez bete beharko ditu kontratatutakoak.

### 32 KONTRATISTAREN ORDEZKARIA

#### 32.1 Izendapena

Zerbitzuak hasi baino lehen, kontratatutako berariaz izendatu beharko du, GHKren aurrean, bere ordezkaria, bere eskaintzan aurreikusitakoarekin bat. Ordezkariek bere gain hartuko ditu Baldintza Teknikoen Agirian zehaztutako betebeharrak. Izendatutako pertsona organo kontratatzaileak onartu beharko du.

#### 32.2 Zereginak

Kontratatutako ordezkariaren oinarrizko zereginak hauek dira:

- Kontratatutako ordezkaria izatea kontratu honen xede diren zerbitzuak gauzateari dagozkion kontratuaren betebeharrak betetzerakoan.
- Zerbitzuen gauzatzea antolatzea eta GHKtik jasotako aginduak interpretatzea eta gauzatzea.
- GHKrekin elkarlanean aritzea, zerbitzuak eskaintzen diren bitartean sortzen diren arazoak konpontzeko.
- Zerbitzua eskaintzerakoan egon daitezkeen hutsei aurrea hartzea eta neurri zuzentzaileak, prebentziozkoak, etab. proposatzea.



Idazkariak,

- Kontratuaren xede diren prestazioak burutzeko giza baliabideak eta baliabide materialak antolatzea.
- Lanak optimizatzea.

### 33 ZERBITZUAK GAUZATZEKO ERREGIMENA

1. Kontratatik zerbitzuak eskainiko ditu kontratuaren dokumentuetan ezarritako xedapenak modu zorrotzean jarraituta, beti dagokion eginbidea aplikatuz, eta GHKk kontratistari ematen dizkion jarraibideak betez.
2. Zerbitzuak gauzatzeko, osorik bete eta errespetatu beharko dira gauzatzearen unean aplikagarri diren arau tekniko guztiak. Kontratatik une bakoitzean indarrean dagoen araudia bete beharko du eta, bereziki, lanaren, segurtasun eta osasunaren eta ingurumenaren babesaren alorrekin zerikusia duena.
1. Arau horiek ez betetzeagatik agintari eskudunek zigorrak ezarri gero, kontratatik bere gain hartu beharko ditu, eta GHKk zerbitzuen ordainketak eten ahal izango ditu zigorrak ordaindu direla egiaztatu arte; etete horrek ez du kontratistaren alde interes-eskubiderik sortuko.
3. Zerbitzuak eskaintzeko erabili behar diren ibilgailu, materialak, ekipo, elementu eta makinek bete egin beharko dituzte kontratuko dokumentazio guztian eta indarrean dagoen araudi aplikagarrian eskatzen diren kalitateak eta ezaugarriak.
4. Kontratatik aukera izango du zerbitzuak bere bitartekoen bidez eskaintzeko edo bitarteko horietako batzuk enpresa gaitu batekin azpikontratatzuz, bere eskaintzan aurreikusitakoarekin bat eta baldintza-agiri honen 24.3. klausulan ezarritako baldintzen arabera.
5. Ordezkaririk edo kontratatik ezingo izango dute inolaz ere aldaketarik sartu edo gauzatu eskaini beharreko zerbitzuetan horiek alde aurretik onartu ez badira.

### 34 KONTRATISTAREN BALIABIDE MATERIALAK ETA GIZA BALIABIDEAK

Kontratatik teknikoki eta objektiboki beharrezko eta egokitzat jotzen dituen baliabide materialak eta giza baliabideak erabili beharko ditu zerbitzuak eskaintzeko, horiek eskaintako epearen barruan eta eskaintzak ezarritako kalitate baldintzetako bukatu ahal izateko.

Zerbitzuak eskaini ahal izateko baliabide materialak eta giza baliabideak xedatzea izango da kontratuaren funtsezko betebeharrak bat. Hori ez betetzea kontratua indargabetzeko arrazoia izango da.



### 35 ARRISKUA ETA MENTURA ZERBITZUAK GAUZATZEAN

1. Zerbitzuak kontratistaren arrisku eta menturara gauzatuko dira.
2. Zerbitzuak eskaintzerakoan kontratistaren ardurapeko berandutzarik gertatzen bada, baldintza-agiri honen 41 eta 44. klausuletan jasotako kontratuaren zigor eta indargabetze araubidean xedatutakoaren arabera jokatu da.

### 36 ZERBITZUAK GAUZATZEN DIREN BITARTEAN SORTZEN DIREN DESADOSTASUNAK KONPONTZEA

1. Kontratatari egin beharreko ordainketak onartzeko ikuskapenak eta kontrolak egiterakoan, GHKk antzematen badu ez direla burutzen ari kontratuaren dokumentazio osoan xedatutako moduan, horren gorabeherak jasotzen dituen espediente bat irekiko da, desadostasuna sortu duen zerbitzua edo zerbitzuak eta horien arduraduna identifikatzeko, baita desadostasun hori ixten den arte sortzen diren gorabehera guztiak jarraitzeko ere.
2. Espedientea ireki ondoren, kontratistaren ordezkariari aurrez entzunik, GHKk dagozkion neurri zuzentzaileak eta horiek ezartzeko epeak erabakiko ditu; horiek, aurretik, modu egokian dokumentatu beharko dira. Neurri zuzentzaile horiek ezartzen direnean eta GHKk antzemandako irregulartasunak behar bezala zuzendu direla ulertzen duenean, bere desadostasuna kenduko du, irekitako espedientea itxiaz.
3. Espediente horrek kontratatari dagozkion zigorrak ezartzea ekar dezake, baldintza-agiri honen V. Kapituluari aurreikusitakoaren arabera.

### 37 DOKUMENTAZIOA KONTROLATZEA ETA EMATEA

#### 37.1 Dokumentazioa kontrolatzea

1. Kontratatari dokumentuen artxibatze sistema eta kontrol informatikoa ezarri eta mantendu beharko ditu, kontratu hau gauzatzeko fase guztietan dokumentuen identifikazioa, berrikuspena, egoera eta kokapena bermatzen direla ziurtatuz.

Kontratistaren dokumentuen kontrol sistemak kontuan hartu behar du, halaber, azpikontratisten dokumentazioa.

2. Kontratatari kontratuaren dokumentazioaren identifikazio sistema bat garatu eta mantenduko du, lan guztietan sartzeko, eta horrek kontratatari eta GHKri dokumentazioa kontrolatzea ahalbidetuko die, kontratua gauzatzen den bitartean.
3. Kontratatari ezarritako artxibatze sistema informatikoa dokumentazioa GHKri dokumentazioa eskuratzea, azkar transmititzea eta guztiz erabili ahal izatea ahalbidetu eta bermatu behar dio.

### 37.2 Dokumentazioa ematea

1. Kontratista behartuta dago, zerbitzuak gauzatzen diren bitartean, kontratuaren xedearen barne dagoen dokumentazio guztia ematera, osorik eta zuzen, kontratua gauzatzerakoan GHKk onartzen dituen aldaketa eta hobekuntza guztiak barne hartuz, baldintza-agiri honetan eta kontratuaren gainerako dokumentuetan xedatutakoaren arabera.
2. Kontratatik dokumentazio hori guztia garatu beharko du, kontratuari aplikagarri zaizkion kode eta arau guztiak eta indarrean dagoen legedia kontuan hartuz.
3. Zerbitzuak eskaintzen amaitzen duenean, kontratatik GHKri zerbitzuak eskaintzen ziren bitartean sortu den dokumentazio guztiaren kopia emango dio, baita eman zaizkion baimen, lizentzia eta gainerako beharrezko baimen administratibo guztiena ere.

### 38 BERMEAREN EPEA

1. Zerbitzuen bermearen epea urte batekoa (1) izango da, gauzatzen denetik zenbatuta, kontratatik bere eskaintzan epe zabalagoa jarri ez badu; kasu horretan, bermearen epea kontratatik eskainitakoa izango da.
2. Bermearen epean zehar, kontratatik kontratua modu egokian betetzeko beharrezkoak diren konponketak eta bestelako jarduerak modu zuzenean egin direla ziurtatzeko beharrezko jarduerak egingo ditu. Kontratatik jarduera horiekin lotutako kostu guztien ardura hartuko du bere gain.

### 39 BERMEAREN EPEAREN AMAIERAKO ZIURTAGIRIA

1. Bermearen epea betetzeko azken hamabost (15) eguneko epearen barnean, GHKk izendatutako pertsona eskudunak edo eskudunek txosten bat idatziko dute zerbitzuen prestazioari buruz eta horiek kontratuaren dokumentazioan jasotako zehaztapenetara egokitu diren adieraziko dute. Txostena aldekoa bada, behin betiko bermea itzuliko da, kontratuaren behin betiko likidazioa egingo da eta, hala dagokionean, ordaintzeko dauden betebeharrak ordainduko dira.
2. Txostena aldekoa ez bada eta ikusitako akatsak zerbitzuak eskaintzeko uneko hutsak badira, eta horiek ezin bazaizkio GHKri egotzi eta GHKrentzat ondorio ekonomikoak eragiten badituzte, honek izendatutako pertsona eskudunek beharrezko jarraibideak emango dizkiote kontratatari, GHKri dagokion moduan konpentsatzeko edo izan ditzakeen ardurak estaltzeko.
3. Epe hori igaro eta gero kontratatik ez baditu zuzendu agerian utzitako akatsak, ez badio GHKri konpentsatu edo izan ditzakeen ardurak ez baditu estali, horren akta bat irekiko da, eta GHKk kontratua deuseztatu ahal izango du, kontratatari egotz dakizkiokeen arrazoiak tarteko, bermea konfiskatuz gainera. Horretaz guztiaz gain,



dagozkiekeen kalte-ordainak ere sor daitezke. Akatsak konponduz gero, klausula honetako lehen paragrafoan aurreikusten den moduan jardungo da.

#### 40 KONTRATUAREN HARRERA

Kontratua segidako traktuzkoa da eta kontratistak bete dela ulertuko da honek prestazio osoa kontratuaren terminoen arabera burutzen duen heinean eta GHKk nahi bezala. Hilerio, prestazioaren harrera ekintza egingo da, hileko fakturazioaren arabera, eta dagokion adostasun akta irekiko da.

GHKk zehaztuko du kontratistak egindako prestazioa hori gauzatzeko eta betetzeko ezarritako baldintzetara egokitzen den ala ez, eta kasua balitz, kontratatutako prestazioak burutzeko eta prestazioa hartzean antzemandako akatsak zuzentzeko eskatuko dio, SPKLTBko 307. artikuluan eta HAKLEOren 203. artikuluan ezartzen den bezala.

Egindako lanak ez badira kontratatutako prestazioari egokitzen, kontratistari egotz dakizkiekeen akatsen ondorioz, hori espreski jasoko da eta kontratistari akats horiek zuzentzeko jarraibideak emango zaizkio. Akatsak zuzentzen ez badira, GHKk kontratistaren kontura utziko ditu, eta ordaintzeko betebeharretik salbuetsita geratuko da edo ordaindutakoa itzultzeko eskubidea izango du.

Bermearen epea urtebetekoa izango da, harrera-datatik zenbatuta, behin kontratua amaitu eta likidatu denean, luzapenak barne.

Bermearen epean egindako lanetan akatsak daudela kreditatuko balitz, Kontratazio-organoak kontratistari horiek zuzen ditzan eskatzeko eskubidea izango du.

Bermearen epea igaro bada eta GHKk ez badu aurreko ataletan adierazten diren eragozpen edo salaketarik egin, kontratista egindako prestazioari dagokionez erantzukizunetik salbuetsita geratuko da.

Kontratistak, kontratatutako prestazioa betetzearekin lotuta formulatzen diren oharrei buruz esateko duena entzun dakien eskubidea izango du.

## V. KAPITULUA: DIZIPLINA-ARAUBIDEA

### **41 KONTRATUAREN BEHARKIZUNAK EZ BETETZEAK SORTUTAKO ZIGORRAK ETA ISUN HERTSATZAILEAK**

1. Kontratuan xedatutako beharkizunak ez betetzeak ekarriko du kontratudunari ezartzea kapitulu honetan jasotzen diren zigorrak, gerta daitezkeen kalte-galeren ordaina emateko betebeharra eragotzi gabe.
2. Jarraian arautzen den ez betetze eta zigorren araubideak ez du zer ikusirik kontratuaren lotura hertsiaz kanpo diren arau-hauste eta isunekin, sektore honetako araudietan aurreikusten diren irizpide eta arauen arabera erregulatzen baitira.
3. Kontratudunak eskaintza aurkezte hutsarekin, Plegu honek jasotzen duen zigor araubidea onartzen du.

### **42 EZ BETETZEAK**

Esleipendunak kontratuko betebeharrak betetzen ez baditu, GHK-k zigorrak ezarriko dizkio. Ez betetzeak larri eta arin gisa daude sailkatuta.

Ez betetzeak delitu edo hutsegite baten izaera baldin badu, agintari judizial eskumendunei jakinaraziko die kontratazio-organoak.

#### **42.1 Ez betetze larriak**

Ez betetze larri gisa joko dira honako hauek:

- a) Aplikagarri diren arauetan xedatutakoak osorik edo zati batean ez betetzea kontratudunak, bereziki arau laboral, tekniko, segurtasuneko edo ingurumenekoetan xedatutakoak, edo arau horien xedez betebeharreko diren jarduerak ez egitea.
- b) Eskaintzan proposatutako langileen edo baliabideen esleipen edo dedikazioari buruzko beharkizunak ez betetzea.
- c) Kontratuaren xede den prestazioaren zati bat azpikontratatzea Plegu honek jasotzen dituen baldintzak eta araubidea aintzat hartu gabe.
- d) Kontratudunak nahitaez sinatu behar dituen aseguru polizak ez kontratatzea, edo haiekiko beharkizunak ez betetzea.



- e) Kontratu hau gauzatzeko beharrezko diren lizentziak, ahalmen emateak, baimenak eta gainerako baldintza juridiko-administratiboak ez eskatzea edo ez eskuratzea.
- f) Zerbitzuen edo instalazioen gainbegiratze edo ikuskapen lanetan GHKren eginkizunak oztopatzea.
- g) Kontratazio-organoaren baimenik gabe zerbitzuetan aldaketak egitea.
- h) Konprometitutako bitarteko materialak edo giza baliabideak kontratuaren zereginetarako ez jartzea, bereziki azpimarratuz eskaintzan proposatutako garraio-bideak kontratuaren zereginetarako ez jartzea.
- i) Zerbitzuen prestazioa arrazoi gabe bertan behera uztea edo etetea, osorik edo hein batean.
- j) Langileei buruzko beharkizun laboral edo sozialak ez betetzea.
- k) Segurtasun eta Osasun Planaren eta Ingurumen Zaintzarako Programaren beharkizunak orobat ez betetzea.
- l) Kontratuaren gauzatze aldiaren hiru (3) ez betetze arinez zigortua izatea.
- m) Zerbitzuak ematen hasteko orduan atzeratzea, aurreikusitako datatik aurrera hilabeteko epean gehienez.
- n) Zerbitzuaren prestazioa etetea.
- o) Zerbitzu bat egitean salatutako irregulartasun bat ez konpontzea edo hori zuzentzeko ez esku hartzea.
- p) GHK-k zerbitzuen ordenari, moduari eta erregimenari buruz emandako aginduak, eta oro har, GHK-k zerbitzuen prestazioa arautzeko emandako arauak ez betetzea.
- q) GHK-k eska ditzakeen datu eta informazioak ezkutatu edo faltsutzea. Zerbitzua ematean sistematikoki berandutzea.
- r) Eskatutako ordutegiak askotan ez betetzea, eskaintzan zehaztutako bitarteko materialak ez erabiltzea edo material horiek kontserbazio-egoera txarrean edukitzea.
- s) Giza baliabide edo baliabide materialak eskaintzan zehaztutakoa baino kopuru eta kalitate apalagoan erabiltzea.
- t) Jarduketa-epeak justifikaziorik gabe ez betetzea, derrigorrezko aldiaren behineko informazioa puntualki ez aurkeztea.

- u) GHKko zerbitzu teknikoekin lankidetzaz eskasa edukitzea.
- v) Ez betetze arinak behin eta berriz egitea.

## 42.2 Ez betetze arinak.

Kontratuaren gauzatze urratsetan, ez betetze arinak dira:

- a) GHKren ordezkariak emandako jarraibideak ez betetzea, lan araubideari, zerbitzuaren ezaugarriari edo zerbitzuaren segurtasunari eragiten ez badie.
- b) Zerbitzua emateko zehaztutako exekuzio-epeak ez betetzea, eta arestian zehaztutako gabeko gainerako ez betetzeak, nolabait kontratuko dokumentazioan zehaztutako baldintzak kaltetzen badituzte.
- c) Kontratuaren dokumentuetan eskatzen diren txosten eta dokumentuak aurkezteko hamabost (15) egun baino gehiagoko atzerapena izatea.
- d) Aurkezten den dokumentazioak akatsak izatea.
- e) Kontratuaren dokumentuetan edo arau aplikagarrietan finkatutako gainerako beharkizunak ez betetzea, aurrez larritzat mailakatuak izan ez badira.

## 43 ZIGORRAK

### 43.1 Zigorren araubidea

Kontratudunaren ez betetzeek ondorio juridiko hauek izan ditzakete:

- a) Ez betetze arinek ekarriko dute hiru 200 euro eta mila euro (1000,00 €) bitarteko zigor bat ezartzea.
- b) Ez betetze larriek ekarriko dute 1.001,00 eta 60.000,00 euro bitarteko zigor bat ezartzea, klausula honen hurrengo pasartean xedatzen dena baztertu gabe.
- c) Azaldutako zigor horiez gain, GHK-k zigor hertsatzaileak ere ezarri ahal izango dizkio kontratudunari, beharkizunak ez betetzeko jarrerari eusten badiu, betiere alde aurretik eskatu izan bazaizkio eta finkatutako epean bete ez baditu. Isunaren zenbatekoa izango da 1.000,00 euro egun bakoitzeko.



- d) Kontratuaren epeak, orokorrak nahiz zatikakoak, kontratudunaren ardurapeko arrazoiengatik betetzen ez badira, GHK-k aukera izango du edo kontratua indargabetzeko, behin betiko bermea konfiskatuz, edo zigor hertsatzaileak ezartzeko, eguneko 0,20 euro kontratuaren mila bakoitzeko, ez betetze hori gertatzen den unetik bertatik aplikatzekoa.

Atzerapen zigorra kontratuko prezioaren ehuneko 5aren multiplora iristen denean, kontratazio organoak kontratua edo indargabetzea edo jarraitzea erabaki dezake, zigor berriak jarritz.

- e) Edonola ere, kontratudunaren kargura izango dira arau-haustea ekarri zuen egintza zuzentzeko neurrien kostuak.
- f) Ezar daitezkeen zigorrez gain, kontratuduna berandutzen bada ez betetzeen ondorioz sortutako egoerei konponbidea bilatzen, hutsuneak betetzeko behar diren erabakiak une oro emateko ahalmena izango du GHK-k, eta erabaki horietatik gasturik sortzen baldin bada, bermearen kargura estaltzeko. Zerbitzua eteten bada edo zerbitzua erasaten duten irregulartasun larririk badago, GHK-k eskubidea du esleipendunarekin kontratu-harremana eten eta hirugarrenengan jotzeko, era horretan, kontratatutako zerbitzua bermatzeko.

### 43.2 Zigorren mailakatzea

GHK-k zigorrak ezartzen dituenean, egokitasun bat gorde beharko du, ez betetzearen larritasuna eta ezarritako zigorra pareko izan daitezen, mailakatze horretan irizpide hauei jarraituz: (i) ez betetze mota; (ii) intentzionalitatea izatea; (iii) sortutako kalteen izaera; (iv) urte beteren buruan izaera bereko ez betetze bat baino gehiago metatzea; eta (v) kontratudunak eskuratutako irabazia.

### 43.3 Zigorrak eta isun hertsatzaileak eguneratzea

Baldintza Agiri honetan zehaztutako zigorren eta isun hertsatzaileen zenbatekoa urtero eguneratuko da, Espainiako KPIa edo EAeko KPIa erabiliz, baldin eta azken hori apalagoa bada.

## VI. KAPITULUA: KONTRATUAREN AMAIERA

### 44 KONTRATUAREN AMAIERA

Zerbitzu-kontratu hau kontratua betetzen denean edo suntsiarazten denean amaituko da.

#### 44.1 Kontratua betetzea.

Kontratistak kontratu honen xede diren prestazioak osorik betetzen dituenean amaituko da kontratua, baldin eta kontratuaren dokumentazioan ezarritako baldintza guztiak bete badira GHKren oniritziarekin, baldintza-agiri honetako 0. klausulan ezarritako epearen barruan edo, kasua bada, epeari buruz erabakitako luzatze edo laburtzeen barruan.

#### 44.2 Kontratua suntsiaraztea.

Zerbitzu-kontratua suntsiarazteko kausa izango dira SPKLTBko 223 eta 308. artikuluetan ezarritakoak eta, oro har, kontratu-betebeharrak ez betetzea, Kode Zibileko 1.124. artikuluan xedatutakoaren arabera.

Kontratua garaiz aurretik suntsiarazteak honako ondorioak izango ditu:

- Kontratua bi alderdiak ados jarrita suntsiarazten denean, alderdi baten eta besteen eskubideak GHKren eta kontratistaren artean balio osoz onartutakoari egokitu behar zaizkio.
- Kontratistaren erruz bete gabe geratzeagatik suntsiarazten bada kontratua, sortutako kalte eta galeren ordainak eman beharko dizkio kontratistak GHKri, konfiskatutako bermea gainditzen duen zatian, eta kasu guztietan kontratu-prezioa klausula penal bat ezarrita.

Klausula honetan aurreikusitako suntsiarazteko kasuetako edozeinetan, suntsiarazpen hori automatikoki gertatuko da, horretarako GHKk kontratistari egingo dion jakinarazpen fede-emaileaz bestelako baldintzarik gabe.

Jakinazpen hori jasotzen duenean, kontratistak berehala eman beharko dizkio GHKri, bere eskura jarritz, kontratua dela-eta ordura arte egin edo sortu diren dokumentu guztiak, eta horiek guztiak GHKrenak izango dira ordutik aurrera.

Ondorio horietarako, gauzátze egoeraren akta bat idatziko da, GHKk bukatuta eta emanda ulertzen dituen dokumentu eta lanak, eta eman eta jaso ez direla ulertzen direnak, baita ez jasotze horren arrazoiak ere, zehaztuta gera daitezten. Horrela,



GHKk kontratuaren gauzatzearekin jarraitu ahal izango du, bere kabuz edo hirugarren baten eskutik.

Horrek guztiak ez du kaltetuko bidezkoa den kontratuaren ondorengo likidazio ekonomikoa, jarraian ezarritakoaren arabera.

Klausula honetan adierazitako kausengatik nahiz legezko litekeen beste edozeinengatik suntsiarazitako kontratutik ondoriozta litezkeen erantzukizun ekonomikoak behin kontratua suntsiarazita eta dokumentazioa eta dagozkion lanak entregatu ondoren likidatuko dira; horrek ez du eragotziko, ordea, GHKk hura gauzatzen jarraitu ahal izatea.

Suntsiarazpen kasu guztietan, kontratistak printzipioz egin dituen lan guztien prezioa jasotzeko eskubidea izango du.

Kontratua kontratistaren erruz bete ez delako suntsiarazten denean, GHKren alde, bidezkoak diren gainerako kalte-galerek kalte-ordainez gain, kontratuaren prezioaren % 20ari dagokion zenbatekoa sortuko da eta hori metatu ahal izango da.

Bi zenbatekook behin betiko bermetik eta kontratistari ordaintzeko falta den prezioetik kenduko dira; gainerakoari dagokionez, halakorik balego, dagokion erreklamazioa egingo litzateke.

Klausula honetan aurreikusten ez den guztian, SPKLTBko 224, 225 eta 309. artikuluetan ezarritakoa aplikatuko da.



ADMINISTRAZIO KONTSEILUAK  
2014 EKA. 19  
Aprobado por Consejo de Administración.  
Hernani, 2014 EKA. JUN. 2/B  
Idazkariak,  
GHK  
Gipuzkoako Hondakinen Kudeaketa

## I. ERANSKINA. ARDURAPEKO ADIERAZPENAREN EREDUA

.....  
jaunak/andreak, ..... z.k. ko NAN duenak, bere izenean  
edo (adierazi ordezkari-ahalmena: administratzaile bakar, ahalordedun) gisa, .....  
....., (IFK .....)  
enpresaren ordezkaritzan

### ADIERAZTEN DU

- Bai berak, bai ordezkutzen duen enpresak, Administrazioarekin kontratuak egiteko ahalmena dutela, jarduteko gaitasun osoa dutelako eta ez daudelako sartuta **SPKLTB**ko 60. artikuluan aurreikusten diren egoeretan. Bereziki eta berariaz adierazten du ez duela zigor irmorik jaso laneko segurtasun eta osasunaren arloan arau-hauste oso larria egiteagatik, SPKLTBko 60.1. artikuluan ezarritakoaren arabera.
- Zerga-betebeharretan eta Gizarte Segurantzakoetan egunean dagoela, indarrean dauden xedapenek ezarri bezala eta **Herri Administrazioen Kontratuen Legearen Erregelamendu Orokorreko 13. eta 14. artikuluek** aurreikusten duten neurrian (urriaren 12ko 1098/2001 ED).
- **Jarduera Ekonomikoen gaineko Zergan alta emanda dagoela** kontratuaren xedeari dagokion epigrafean eta ez duela baja eman zerga horren matrikulan.

Eta jasota gera dadin eta dagozkion ondorioak izan ditzan, ardurapeko adierazpen hau sinatzen dut .....(e)n, ..... ko ..... ren.  
.....(e)an.

Sin.: (ENPRESAREN ZIGILUA)



## II. ERANSKINA. PROPOSAMENA GHK-KO SARRERA-ERREGISTROAN ENTREGATZEKO EREDUA

..... jaunak/andreak, ..... zk.ko NAN duenak, bere izenean edo, kasua bada, ..... enpresaren, ..... zk.ko IFZ eta helbidea .....(e)n, fax zk. .... eta/edo helbide elektronikoa..... dituenaren ordezkartzan

### ADIERAZTEN DU:

Gaur, .....e(t)an (\*), “DEBAGOIENA MANKOMUNITATEKO HIRI-HONDAKINAK GARRAIATZEKO ETA ARRASATEKO AKEI TRANSFERENTZIA ESTAZIOAREN KUDEAKETA BURUTZEKO ZERBITZU-KONTRATUA”ren lizitaziorako kontratazio-espediterako proposamena aurkeztu duela.

Hernanin, 2014ko \_\_\_\_\_ren \_\_\_\_\_(e)an

Sin.:

(Aurkezlearen sinadura)



### III. ERANSKINA. ENPRESA ATZERRITARREN ADIERAZPENA

“ .....

jaunak/andreak, helbidea .....

..... (e)n, ..... zk.ko NAN, ..... telefonia eta ..... helbide elektronikoa dituenak, gaitasun juridiko eta jarduteko gaitasun erabatekoaren jabe izanik, bere izenean (edo ..... helbidea .....(e)n, eta NAN edo IFK zk. .... [persona fisikoa edo juridikoa den kontuan izanda] dituenaren ordezkartzan), **“DEBAGOIENA MANKOMUNITATEKO HIRI-HONDAKINAK GARRAIATZEKO ETA ARRASATEKO AKEI TRANSFERENTZIA ESTAZIOAREN KUDEAKETA BURUTZEKO ZERBITZU-KONTRATUA** ”ri buruzko prozedura negoziatu publizitadedunaren bidezko lizitazioan parte hartzeko GHK-k egindako gonbita jasota,

#### ADIERAZTEN DU

- 1.- Kontratutik zuzenean edo zeharka etor litezkeen gorabehera guztietan Espainiako edozein motatako epaitegi eta auzitegien mende jartzen dela eta, hala dagokionean, lizitatuari atzerrian egokitu dakioken foru jurisdikzionalari uko egiten diola.
- 2.- Europar Batasunetik kanpoko atzerriko enpresa bada, Espainian sukurtsal bat irekia duela egiaztatzen duela, egin beharreko eragiketarako ahalordedunak edo ordezkariak izendatuta dauzkala, eta Merkataritza Erregistroan inskribatuta dagoela.
- 3.- Konpromisoa hartzen duela dokumentazioa gaztelaniara edo euskarara ofizialki itzulita aurkezteko, HAKLEOko 23. artikuluan xedatutakoaren arabera.

Eta jasota gera dadin eta behar den ondorioak izan ditzan, ardurapeko adierazpen hau sinatzen du 2014ko \_\_\_\_\_ren \_\_\_\_\_(e)an.

Sin.: \_\_\_\_\_





(e)an onartua  
Idazkaririk,  
*[Handwritten signature]*

**IV. ERANSKINA. KOMUNIKAZIOETARAKO HELBIDE ELEKTRONIKOA(K)**

.....  
jaunak/andreak, adin nagusikoak, helbidea. ....  
..... (e)n  
eta ..... zk.ko NAN dituenak, .....  
.....  
.ren, sozietatearen egoitza .....  
.....  
.....(e)n eta ..... zk.ko IFK  
dituenaren, izenean eta ordezkaritzan,

**AZALTZEN DU**

Ondorio guztietarako, eta bereziki dokumentazio administratiboko akatsak zuzentzeko eskaerak jasotzeko, helbide elektronikoa hau(ek) izendatzen d(it)uela:

(Bat baino gehiago jar daitezke)

Helbide elektronikoa horretara edo horietara dokumentazio- edo informazio-eskaerak bidaltzeak hasiera emango dio baldintza-agiri honetan ezarritako epea zenbatzeari, zehazki, baldintza administratiboaren agirian adierazitako dokumentazio administratiboa zuzentzeko epeari.

Eta jasota gera dadin eta behar den ondorioak izan ditzan, ardurapeko adierazpen hau sinatzen du 2014ko \_\_\_\_\_ren \_\_\_\_\_(e)an.

Sin.: \_\_\_\_\_



ADMINISTRAZIO KONTSEILUAK  
 2014 EKA. 19  
 Aprobado por Consejo de Administración. (e)an/onartua  
 Hernani, 2014 EKA. JUN. 20  
 Idazkariak,  
 GHK Gipuzkoako Hondakinen Kudeaketa

**V. ERANSKINA. PROPOSAMEN EKONOMIKOAREN EREDUA**

"..... jaunak/andreak,  
 helbidea ..... (e)n,  
 ..... zk.ko NAN, ..... telefonoa eta  
 ..... helbide elektronikoa dituenak, gaitasun juridiko eta jarduteko  
 gaitasun erabatekoaren jabe izanik, bere izenean (edo  
 .....  
 helbidea .....(e)n, eta  
 NAN edo IFK zk. .... [pertsona fisikoa edo juridikoa den kontuan  
 izanda] dituenaren ordezkartzan), **“DEBAGOIENA MANKOMUNITATEKO HIRI-  
 HONDAKINAK GARRAIATZEKO ETA ARRASATEKO AKEI TRANSFERENTZIA  
 ESTAZIOAREN KUDEAKETA BURUTZEKO ZERBITZU-KONTRATUA** "ri buruzko  
 prozedura negoziatu publizitatedunaren bidezko lizitazioan parte hartzeko GHKK  
 egindako gonbita jasota,

**ADIERAZTEN DU:**

- 1º) Konpromisoa hartzen duela zerbitzua ondoko unitate-prezioen (BEZ gabe) arabera gauzatzeko.  
 Horren gehigarri, dagokion BEZa fakturatuko da.
- 2) Prezioan sartuta daude kontzeptu guztiak, edozein arlo fiskaleko gainerako zergak, gastuak, tasak eta arielak eta baita kontratistaren mozkin industrialak ere barne hartuz.
- 3) Kontratu hau arautuko duten Baldintza Ekonomiko Administrazioen Agiria eta Baldintza Teknikoen Agiria ezagutzen dituela eta berariaz bere egiten dituela eta oso-oso onartzen.
- 4) Berak ordezkatzeko duen enpresak betetzen dituela tributuen eta Gizarte Segurantzaren arloan indarrean dagoen araudiak ezarritako eskakizun eta betebeharrak guztiak.

.....(e)n, 2014ko \_\_\_\_\_ren \_\_\_\_\_(e)an.

Sinadura.



2014 EKA. 19

Aprobado por Consejo de Administración.

Hernani,

2014

EKA.  
JUN

20



Idazkaritza

## VI. ERANSKINA. SUBROGAZIOARI ATXIKITAKO LANPOSTUEN ZERRENDA

Lanpostua	Kontratu mota	Lanaldia %	Kategoria	Aintzinasun data	Soldata gordina
1	100	100	GIDARIA	13/06/2003	Gipuzkoako Bide Garbiketako Hitzarmenaren arabera (GAO 2013/07/26)
2	100	100	GIDARIA	22/11/2000	Gipuzkoako Bide Garbiketako Hitzarmenaren arabera (GAO 2013/07/26)